

皇清經解



1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 10

皇清經解卷四百二十九

舊書名案

周易

吳王光

序

作四月故生魄王不懼釋文曰：權曰：小馬，非名釋
鄭曰：此成土二十八季星也。六分皆謂之歲，歲有
卷三毛，計七九之十一歲，則與列傳之十二年，合
支流之割楚通外紀之卷。傳曰：「十二年，歲次
庚土所生之四月始化。」閏月者，日正行庚次，不從庚
成壬所生之四月始化。」故云之。

庚戌朔十五日

庚午

皇清經解卷四百二十八

學海堂

尙書後案

吳王光祿

鳴盛

著

周書

顧命

惟四月哉生魄王不懌釋文曰懌音亦馬本作不釋○案
日懌俗字說文所無當從馬作釋
鄭曰此成王二十八季居攝六季爲季端尚書疏○林之奇
卷○毛詩十九之一卷周頌列文疏○劉恕通鑑外紀三卷
馬曰不釋疾不解也釋傳曰文疏○劉恕通鑑外紀三卷

成王崩季之四月始生魄月十六日王有疾故不悅懌疏曰
成王崩季經典不載漢書律歷志云成王卽位三十季四月
庚戌朔十五日甲子哉生魄卽引此顧命之文以爲成王卽
位三十季崩此劉歆說也孔以甲子爲十六日則不與歆同

鄭云二十八季傳惟言成王崩季未知卽位幾季崩

案曰鄭云此成王二十八季者自卽政之季數至崩季也又云居攝六季爲季端者詩疏引此注割裂不全當續其下云至此三十季文義乃備也知者鄭于康王之誥注云周公居攝六季制禮樂至此積三十季居攝終于七季加二十八季故三十季也鄭具言此者鄭注金縢據大傳大戴禮武王崩成王季十歲三季卒畢季十三將踐阼稱己小求攝管蔡流言周公避居東三季感風雷迎公歸時成王季十五卽居攝元季五季營成周六季制禮七季致政明季成王卽政季二十二卽政二十八季崩季四十九也漢書律歷志載劉歆三統歷云成王元季正月己巳朔此命伯禽俟于魯之歲也後

三十季四月庚戌朔十五日甲子哉生霸故顧命曰惟四月云云命伯禽固是成王卽政元季事見洛誥鄭說亦如此但以爲後三十季乃崩則與鄭不合伏生大傳云居攝五季營洛邑作召誥七季致政作洛誥歆乃并爲一季事據其季月日以推恐不可信且如此則營洛之季應閏在九月又不合古歷法鄭旣分爲兩季又以召誥二月二月讀爲一月二月則所推自當與歆不合又以十五日爲哉生霸與禮記鄉飲酒義月三日戊魄不合尤爲舛謬然則歆所推洛誥十二月戊辰是晦成王卽政元季正月是己巳朔顧命四月是庚戌朔甲子是四月十五日亦卽是哉生霸五條皆不確然歆旣有此說想當時相傳成王季數自有兩說一二十八季一

三十季故鄭具言此明三十季者連制禮樂之季數也制禮樂朝諸侯于明堂是爲太平故有從致太平之季數起一說也說詳康誥史記三代但爲世表無季表其言云孔子序尙書略無季月或頗有然多闕不可錄疑則傳疑蓋其慎也余讀牒記黃帝以來皆有季數稽其譜牒終始五德之傳古文咸不同乖異夫子之弗論次其季月豈虛哉鄭所據蓋亦牒記之類今不可考矣四月建卯月也故生魄是三日欲云十五日固謬傳云十六日尤非下文甲子之上無越幾日字則不可攷其何日矣馬以不釋爲不解者說文二上采部釋解也是也

甲子王乃洮類水

釋文曰洮他刀尺徐音逃額虞翻傳裴松之注音悔說文作沫云古文作類

鄭曰洮類爲濯三國吳志十二卷馬曰洮洮髮也類類面也釋文傳曰王發大命臨羣臣必齋戒沐浴今疾病故但洮盥類面疏曰禮洗手謂之盥洗面謂之饁內則子事父母面垢燭潘請饁類是洗面知洮爲盥手言水洮盥俱用水說文案曰鄭以洮爲濯者鄭注周禮守祧職云古文祧爲濯則古者借濯爲祧字亦或又借濯爲洮字則鄭要作濯者原不改洮之義鄭注與馬同也馬云洮洮髮者說文卷十一上水部洮但云水名沐則云濯髮也但說文解字義多不備其實則洮亦濯髮也類類面者水部又云沫洒面也又重文說文沫从貢今本又加升則說文無此字郭忠恕汗簡卷中之二云說文古文沫呼妹切說文卷三上艹部云竦手也从少从义

居竦切今變隸作升掬水洒面當用兩手則加升似亦可通
然究宜以說文爲正也虞翻奏鄭解尙書違失云顧命洮頽
爲濯以爲澣衣成事洮字虛更作濯以從其非誠可恠也天
子頽面謂之澣衣甚違不知蓋闕之義若鄭果以爲澣衣成
事則經實無此意誠宜爲翻所駁但翻言有不可信如柳谷
鄭注云五色聚爲柳日入時具五色故曰柳谷又鄭注周禮
縫人引書曰分命和仲度訛曰柳谷乃翻謂鄭作昧谷誣也
鄭解分州三苗云分析流之鄭亦以州爲古別字故言分析
分析卽分別也翻以爲鄭讀爲北亦誣也至其駁鄭之以同
爲酒桮者辨說詳後亦非也據此諸條則翻言何一可信此
條鄭注但云洮濯無澣衣之語爲翻所誣故特辨之

相被冕服憑玉几

釋文曰被皮義反徐扶僞反憑皮冰反下同說文作凭云依倚也字林同皮冰反○案曰

說文卷十四上几部云凭依几也从几从任周書

凭玉几讀若馮皮冰切今俗作馮又加心非也

鄭曰相者正王服位之臣謂太僕冕元冕

尚書疏○林之奇尚書全解三十七

卷傳曰扶相者被以冠冕加朝服憑玉几以出命疏曰謂以

袞冕朝諸侯之服加王身也鄭以爲元冕知不然者發大命不應惟服元冕觀禮王服袞冕而有玉几此旣憑玉几明服袞冕也周禮司几筵云凡大朝觀王位設黼扆扆前南向設左右玉几是王見羣臣當憑玉几

案曰鄭以相爲正王服位之臣者以其以冕服加王身知是正王服位之臣又云謂太僕者周禮夏官太僕職云掌正王之服位又禮記檀弓云扶君卜人師扶右卜當爲僕僕人師

卽太僕也是太僕又扶君疾者故知此相爲太僕也云冕元冕者周禮司服職冕服有六元冕爲下皆祭服也眡朝則皮弁服弁卑于冕眡朝輕于祭祀故皮弁也而儀禮觀禮云天子袞冕者以受諸侯朝覲在廟中故服冕服之尊者此時傳顧命蓋在路門內之內朝不于廟中特以傳重大事加于尋常眡朝一等則被冕服自是元冕也徐榦中論卷上法象篇云顛沛而不亂者成王其人也將崩體被冕服然後發顧命是說此經之義也

乃同召太保頑芮伯彤伯畢公衛侯毛公師氏虎臣百尹御事釋文曰頑音釋芮如銳反形徒冬反○案曰班氏古今人表彤作師虎作龍

鄭曰公兼官以六卿爲正次芮伯入爲宗伯畢公入爲司馬

毛詩三之二下卷衛風淇奥序疏王曰形姒姓之國其餘五

○又十八之二卷大雅桑柔篇國姬姓畢王文王庶子衛侯康叔所封武王母弟治事蓋羣

士也尚書疏○林之奇尚書全解三十七卷○王天與尚書纂傳三十八卷○董鼎書集傳輯錄纂注六卷○陳師

凱書傳荀通六卷上○陳櫟書傳

纂疏六卷○劉恕通鑑外紀三卷傳曰同召六卿下至御治

事太保畢毛稱公則三公矣此先後六卿次第冢宰第一召公領之司徒第二芮伯爲之宗伯第三彤伯爲之司馬第四畢公領之司寇第五衛侯爲之司空第六毛公領之召芮彤畢衛毛皆國名入爲天子公卿師氏大夫官虎臣虎賁氏百尹百官之長及諸御治事者疏曰太保是三公官名畢毛又亦稱公知此三人是三公也二人是三公而與侯伯相次知六者是六卿衛侯爲司寇而位第五知此先後是六卿次第

也以三公尊故特言公其餘三卿舉其本爵見其以國君入爲卿也天子三公皆以卿爲之不復別置其人高官兼攝下司者漢世以來謂之爲領故言召公領之畢公領之毛公領之定四季左傳云康叔爲司寇知此六人依周禮次第爲六卿也周禮師氏中大夫掌以美詔王居虎門之左司王朝得失之事帥其屬守王之門重其所掌故與虎臣竝于百尹之上特言之尹訓正也故百尹爲百官之長諸御治事謂諸掌事者蓋大夫士皆被召也

案曰鄭云公兼官以六卿爲正次者六卿分職法天地四時自虞夏至周皆同此將傳顧命而所召六人自是六卿召公奭稱太保畢毛稱公自是三公據伏生大傳天子三公司徒

公司馬公司空公鄭注云周禮天子六卿與太宰司徒同職者謂之司徒公與宗伯司馬同職者謂之司馬公與司寇司空同職者謂之司空公一公兼二卿舉下以爲稱鄭注君奭序荅趙商問皆謂三公兼師保則得師保之稱今此經六人中有三人爲三公自是以三公兼六卿者故云公兼官而又云以六卿爲正次者三公之次首太師次太傅次太保今乃以太保居首自是依周禮天官冢宰地官司徒春官宗伯夏官司馬秋官司寇冬官司空之次不依三公之次且康叔爲司寇卽此衛侯適居第五司寇之次故云以六卿爲正次也蓋三公官不必備有其人則設無則闕惟六卿爲實職故當坐而論道之時則首太師次太傅太保當居末及作而行之

之時不妨太保居首太師太傅反居其後然則召公奭以家宰兼太保無疑矣而畢毛二人未知誰爲太師誰爲太傅也若然太保既是家宰依次則芮伯是司徒似當如偽傳所說卽鄭亦自言以六卿爲次而今乃以芮伯入爲宗伯則所未詳鄭必別有據也云入者蓋衛是畿外諸侯召芮形畢毛亦俱是畿內諸侯而今皆爲王朝公卿故言入淇奥詩序衛武公入相于周國語鄭桓公爲周司徒左傳鄭武公莊公爲平王卿士蓋自古有此制也知召芮形畢毛皆畿內國者鄭注周禮太宰職云都鄙公卿大夫之采邑王子弟所食邑周召毛眴畢原之屬在畿內者是太保所食及毛畢皆畿內國也召地詳見召誥芮旅巢命序鄭注云在坼內杜預云馮翊臨

晉縣芮鄉今陝西西安府朝邑縣有南芮鄉北芮鄉古芮伯國也形諸儒竝不詳惟通鑑周紀胡三省注其地當在漢京兆鄭縣界鄭縣今陝西西安府華州州西南有形城畢壯預云在長安縣鹵北閭若璩云此名畢原非畢陌之在渭水北者長安今陝西西安府治所衛今河南衛輝府淇縣說已詳康誥毛亦不詳惟路史云毛伯國上邽藉水旁有毛泉上邽今甘肅鞏昌府秦州地毛泉見水經注茲不言卽毛伯國路史或別有據合諸說觀之六國惟衛惟畿外餘皆畿內也王以形爲姒姓者史記夏本紀禹姒姓其後有彤城氏蓋據此其餘五國王以爲皆姬姓而又以畢毛爲皆文王庶子者召公奭衛康叔封已見君奭康誥姬姓不待言芮旅巢命序鄭注云周同姓彼疏云

出世本作旅巢命之芮伯在武王之世今此成王崩召公康叔輩武王臣皆在則芮伯亦當卽作旅巢命之人其後有芮良夫當厲王時作誥以戒王見逸周書又作柔柔詩以刺王見詩序鄭箋又諫厲王說榮公見周語韋昭謂是周大夫芮伯其後魯桓公九季又有芮伯伐曲沃當周桓王世蓋皆芮伯之子孫畢毛者魏世家云魏之先畢公高之後也畢公高與周同姓武王伐紂而高封于畢不言文王子周本紀云武王伐紂毛叔鄭奉明水亦不言文王子但僖二十四季富辰言文之昭十六國管蔡郕霍魯衛毛眡郜雍曹滕畢原酆郇是畢毛皆文王子管蔡世家數武王同母兄弟十人中無畢毛劉向列女傳卷一母儀篇數太姒十子與此文畧同惟以管蔡皆周公弟爲異亦無畢毛也故王肅據

此以畢毛皆文王庶子而杜預解文王之子又有所謂毛叔眡者與鄭非一人然則此經所謂毛公或鄭或眡未可知也太保稱名餘五人皆不名當是立文偶然有異無義例也師氏疏引周禮者地官文虎臣傳以卽虎賁氏則夏官也王曰嗚呼疾大漸惟幾病日臻旣彌留恐不獲誓言嗣茲予審

訓命汝

釋文曰幾音機徐音幾瘳敷留反

傳曰自嘆其疾大進篤惟危殆病日至言困甚已久畱言無瘳恐不得結信出言嗣續我志以此故我詳審教命汝卷三案曰傳以大漸爲大進篤者周易序卦傳云漸進也列子卷六力命篇云季梁得疾七日大漸殷敬順釋文云漸劇也是大漸爲大進篤也幾爲危殆者釋詁幾殆皆危也說文卷四

下^八部云幾微也殆也从丝从戍戍兵守也丝而兵守者危也是幾爲危殆也臻至亦釋詁文言困甚者論語述而篇鄭注云病謂疾益困是也彌爲久者說文卷九下^𠂔部云彌久長也从長爾聲是也今俗从弓非也審爲詳者說文卷三上言部云詳審議也是審詳得互相訓也

昔君文王武王宣重光奠麗陳敎則肆肆不違用克達殷集大命

釋文曰重直龍反麗力馳
反肆徐以至反又以制反

馬曰重光日月星也太極上元十一月朔旦冬至日月如疊璧五星如連珠故曰重光

釋文傳曰文武布其重光累聖之德

定天命施陳敎則勤勞勞而不違道故能通殷爲周成其大

命

以畢于首文王思于而其所載文王之年又首而諸子以

案曰馬云重光日月星者日月星晝夜代明皆有光采禮記鄉飲酒義謂之三光桓二季左傳謂之三辰伏生大傳云舜時百工相和歌曰卿雲爛兮禮縵縵兮日月光華旦復旦兮八伯和曰明明尙天爛然星陳日月光華宏子一人晉崔豹古今注卷中音樂篇云漢明帝爲太子樂人作歌詩四章以贊太子之德一日重光二月重輪三星重輝四海重潤天子之德光明如日規輪如月眾輝如星露潤如海太子皆比德焉故云重爾然則喻王者之光明皆兼日月星也太極上元云云者漢律歷志云淳于陵渠復覆太初晦朔弦望皆最密日月如合璧五星如聯珠孟康注云謂太初上元甲子夜半朔旦冬至時七曜皆會聚斗牽牛分度夜盡如合璧聯珠

也說與此馬注同攷日月疊璧必在朔旦假使冬至在朔旦
日月疊璧矣而五星未必皆會也計日月疊璧五星聯珠乃
數千百季僅有之事或文武盛時有此瑞也傳以奠爲定者
周禮大司徒奠地守鄭注云定地守是也肄爲勞者說文卷
三下肅部云隸習也重文篆作隸今俗作肄肄習是有勞義
也蔡邕石經達作通集作就傳亦訓達爲通說文卷二下疋
部云通達也是二字轉相訓也釋詁就成也傳亦訓集爲成
是二字義同也毛詩小雅小旻云謀夫孔多是用不集發言
盈庭誰敢執其咎傳云集就也韓詩外傳作就是集讀爲就
與咎協韻大雅大明傳與小旻同也

在後之侗敬迓天威嗣守文武大訓無敢昏逾釋文曰侗徐音
同又勑動反馬

本作
調

馬曰調共也釋文傳曰在文武後之侗稚成王自斥敬迎天之
威命言奉順繼守文武大敎無敢昏亂逾越言戰慄畏懼

案曰馬以侗作調訓爲共者說文卷三上言部云調共也从
言同聲周書曰在夏后之調徒紅切作調與馬合而又以後
爲夏后此孔氏古文真本也僞孔改爲在後之侗成王自謙
侗稚非也禮記祭統云鋪筵設同几鄭注云同之言調訓同
爲調亦取共義襄十三季左傳以屬諸夏定十季裔不謀夏
堯典蠻夷猾夏立政併我有夏皆謂中國爲夏釋詁以后爲
君則夏后之調蓋謂中國君長之所共尊奉者謂天子也傳
以迓爲迎者亦釋詁文迓當作訝也又以昏逾爲昏亂逾越

者說文卷二下疋部云逾越進也从疋俞聲周書曰無殷昏逾羊朱切是逾爲越也

今天降疾殆弗興弗悟爾尙明時朕言用敬保元子釤宏濟于艱難柔遠能邇安勸小大庶邦思夫人自亂于威儀爾無以釤冒貢于非幾釋文曰釤姜遼反又音招徐之肴反夫人如字冒音勅用反○案曰注疏所采釋文自夫人以下皆脫去今從單行足本補入

馬曰贛陷也釋文○案曰注疏脫去從足本補入傳曰今天下疾我身甚危殆不起不悟言必亦汝當庶幾明是我言勿忽略用奉我言敬安太子釤釤康王名大度于艱難勤德政和遠又和近安小眾國勸使爲善羣臣皆宜思夫人自治正于威儀有威可畏有儀可象然後足以率人汝無以釤冒進于非危之事

案曰傳以殆爲危釋詁文興爲起釋言文尙爲庶幾者釋言庶幾爲尙轉相訓也時爲是宏爲大亂爲治亦皆釋詁文冒貢馬鄭王作勗贛者說文卷十三下力部云勗勉也从力冒聲勗勉之義于此無取但古字多以音同假借勗既從冒得聲故卽借爲冒也傳云冒進冒固有進義但貢字無解于義不足馬以贛爲陷者贛從贛省聲贛讀若坎坎義爲陷故訓贛陷也凡人爲惡或進而冒觸或退而墜陷故兼言勗贛也傳以非幾爲非危者非如易繫辭下傳禁民爲非之非說文卷十一下非部云違也从飛下彥取其相背謂違理背義之事也幾訓危釋詁文

茲旣受命還

案曰旣蔡邕石經作卽蓋𠂔字隸變作旣从卽偏傍同卽相似而誤

皇清經解

卷四百二十一

王光祿尙書後案

庚申補刊

傳曰羣臣已受賜命各還本位疏曰周禮射人掌三公孤卿大夫之位三公北面孤東面卿大夫南面鄭云不言士者此與諸侯之賓射士不與也凡朝燕及射臣見于君之禮同鄭知然者以周禮司士掌治朝之位與射人同是天子之朝位與射禮位同案燕禮小臣納卿大夫卿大夫皆北面公命爾卿東方南面爾大夫少進皆北面大射禮其位亦然是諸侯燕位與射位同故云朝燕及射臣見于君之禮同但天子臣多故三公北面孤東面卿大夫南面諸侯臣少故卿南面大夫北面其士與天子同皆門內南面其入門當立定位如此及王呼與言必各自前進已受顧命退還本位者謂還本治事之位

出綴衣于庭

釋文曰出如字徐尺
遂反綴竹衛反下同

鄭曰連綴小斂大斂之衣于庭中

周禮六卷天官幕人疏

傳曰綴衣幄

帳徹出幄帳于庭王寢北牖下東首反初生疏曰下云狄設

黼扆綴衣則綴衣是黼扆之類黼扆是王坐立之處知綴衣

是施張于王坐之上故以爲幄帳也周禮幕人掌帷幕幄

綴之事鄭云在旁曰帷在上曰幕帷幕皆以布爲之四合象

宮室曰幄王所居帳也帝王在幕居幄中坐上承座也幄

皆以繪爲之然則幄帳是黼扆之上所張之物所言出綴衣

于庭則亦并出黼扆故下句云象王平生之時更復設之王

發顧命在此黼扆帳之坐命訖復反寢處以病重不能臨

此坐故徹出幄帳于庭欲爲歟備也傳要解徹幄帳之意以

王病困寢不在此喪大記云疾病君大夫徹懸士去琴瑟寢東首于北墉下廢牀鄭云廢去也人始生在地去牀庶其生氣反也記言君大夫士則尊卑皆然知此時王亦寢北墉下東首反初生也

案曰鄭以綴衣爲連綴小歛大歛之衣者喪大記小歛衣十九稱鄭彼注尊卑皆同大歛衣君百稱見鄭小宗伯注豫爲聯綴恐不及事也王制云六十歲制七十時制八十月制九十日修惟綾給衾昌次而後制疏云歲制謂棺也不易成故歲制時制一時可辨是衣物難得者月制一月可辨衣物易得者日修棺衣皆畢但日修理之此皆謂大夫以下人君卽位爲椑不待六十見檀弓天子宜更早成王崩季四十九喪具

固宜早辦况疾已危殆歛衣尤不可緩故鄭云云也立政綴衣是官名此綴衣是歛衣下文綴衣是幄帳三解不同鄭惟取立義精確不嫌同文異訓也傳疏以此亦爲幄帳攷天子五門皋庫雉應路皋門內爲外朝應門內爲治朝路門一名畢門內爲燕朝卽路寢也王疾甚而發顧命固在路寢莊十三季穀梁傳公薨于路寢正也僖三十三季公薨于小寢非正也此云出綴衣于庭卽路寢之庭也而下文王崩之後執兵者在畢門內經固有明文其四路所陳周禮典路疏引鄭注以爲在路門內又詩斯干疏引鄭志謂顧命陳設皆在路寢若此所出綴衣果是幄帳則同一路寢也同一幄帳也方欲設之乃先徹之何爲若是之紛紛邪况下文綴衣與黼扆相連故知是幄帳此單言綴衣則

非幄帳傳疏非是當從鄭爲小歛大歛之衣也

越翼曰乙丑王崩

釋文曰王崩馬本作成王崩○案曰王崩鄭司農注周禮春官司几筵及天府皆引作成

王與馬同

馬曰安民立政曰成

釋文曰成王二十八季崩劉恕通鑑外紀三卷傳

曰明日王崩

案曰馬云安民立政曰成者逸周書卷六謚法解文蔡邕獨斷同也釋詁云崩歿也曲禮天子曰崩諸侯曰薨大夫曰卒士曰不祿庶人曰死釋詁總解諸文故云歿也鄭彼注云白上顛壞曰崩劉熙釋名卷八釋喪制篇云崩壞之形也硼聲也與鄭合也王注云云見外紀王注在宋當已無全本但劉恕博學所引宜不謬據此則王與鄭合也

太保命仲桓南宮毛俾爰齊侯呂伋以二干戈虎賁百人逆于

釗于南門之外

釋文曰俾必爾反伋居及反

傳曰冢宰攝政故命二臣桓毛名臣子皆侍左右將正太子之尊故出于路寢門外使桓毛二臣各執干戈于齊侯呂伋索虎賁百人更新逆門外所以殊之伋爲天子虎賁氏疏曰天子初崩太子必在其側解其迎于門外之意于時臣子皆侍左右將正太子之尊故使太子出于路寢門外更迎入所以殊之也經言以二干戈文在齊侯呂伋下似就齊侯取干戈傳言使桓毛二臣各執干戈于齊侯呂伋索虎賁則似執干戈就齊侯傳似反于經者于時新遭大禍內外嚴戒桓毛二人必是武臣宿衛先執干戈太保就命使之執干戈以往

傳達其意故移于戈之文于齊侯之上傳言是實也經于齊侯呂伋下言以二干戈虎賁百人者指說迎太子之時有此備衛耳非言二人干戈亦是齊侯授也周禮虎賁氏下大夫其屬有虎士八百人知伋爲天子虎賁氏故就伋取虎賁也案曰傳云臣子皆侍左右云云者文王世子云世子朝夕至于大寢之門外問于內豎曰今日安否何如內豎曰安世子有喜色若內豎言疾則世子親齊元而養膳宰之饌必敬視之疾之藥必親嘗之是成王自不憚及崩康王必當常侍左右今乃迎之南門外故解之爲欲殊異之故出而復迎也仲桓南宮毛古今人表作中桓南宮髦古字通也仲南宮氏桓毛名昭二十三季左傳有南宮極杜預注周卿士二十四季

有南宮嚚注極之子疑卽毛後也齊侯呂伋者齊世家云太公卒子丁公呂伋立說文卷一上玉部云齊公子伋諡曰玎公玎又丁之異文也昭三季左傳齊使晏嬰請繼室于晉曰微福于太公丁公杜預注二公齊先君又十二季楚靈王曰昔我先王熊繹與呂級王孫牟變父禽父歔事康王注呂級齊太公之子丁公釋文云級音急本亦作伋是也齊世家稱太公之先爲四嶽佐禹平水土國語周語云胙四嶽國命爲侯伯賜姓曰姜氏曰有呂謂其能爲禹股肱心呂是呂爲伋氏也傳又云桓毛二臣各執干戈又云伋爲天子虎賁氏疑皆是也釋爰爲于云于齊侯索虎賁百人則非也何者爰訓于雖見釋詁但字有數義不可執一僞孔解字爲專取一

訓守而不變雖勝近世俗儒全不知訓詁者然太泥則不通卽如爰字凡遇爰必解爲于今言于齊侯索虎賁百人不言索則于字無謂言索則經文所無乃增之以足成其義謬矣且如此則伋不自行于奉迎之禮不太簡略邪說文卷四下受部云爰引也从受从于此經爰字當從引訓夏官虎賁氏下大夫二人旅賁氏中士二人官相連比而旅之言眾旅賁氏似虎賁氏之副貳據傳謂呂伋爲虎賁氏則桓毛蓋旅賁氏虎賁氏之職大喪守王門則成王崩後呂伋正守此門今釗出在門外故令旅賁氏桓毛導引虎賁氏呂伋共迎之也旅賁氏之職喪紀則執戈盾此經二干戈明卽桓毛二人所執而虎賁氏之屬有虎士八百人彼鄭注云不言徒曰虎士

則虎士徒之選有勇力者此經虎賁百人明卽虎賁氏所屬之虎士知是桓毛親執干戈導引呂伋統率虎士共迎釗也虎賁氏秩僅下大夫而呂伋太公之子居此卑官者大喪守門鄭注云非常之難守在門則秩雖微而責任重故伋以列侯入而兼領此職非其官止于此保氏亦下大夫太保召公尚兼領之則呂伋兼攝虎賁氏不足異也說文卷二下延部云逆迎也从延𠤔聲關東曰逆關西曰迎金縢小子其新逆鄭注要自新迎周公此時欲正釗嗣子之位故傳亦云要新逆也傳以南門爲路寢門者卽下文所謂畢門亦卽所謂廟門也

延入翼室恤宅宗

傳曰明室路寢延之使居憂爲天下宗主疏曰釋言云翼明也喪大記云君大夫卒于路寢以諸侯薨于路寢知天子亦

崩于路寢今延太子入室必延入喪所知翼室是明室路寢也路寢之大者故以明言之

案曰傳以翼爲明蓋經典皆以明日爲翼日遂有此訓其實翼是鳥翅自明至昏爲一日故從今日數來日爲明日又稱翼者明日次于今日如鳥之翼也豈可作昏明之明解乎下文有鹵夾室有鹵則必有東劉熙釋名卷五釋宮室篇云夾室在堂兩頭故曰夾也翼之爲義正所謂在兩頭者翼室卽夾室也成王薨于路寢則此翼室爲路寢前堂兩邊之室櫓弓周人殯于鹵階之上據疏殯在堂上非室中然旣殯在鹵則宅憂自當在東且旣殯之後居倚廬在中門外東方此時未殯暫居翼室當亦在東可知要以下文設四坐叅之有鹵

夾無東夾以康王方居東夾故則翼室在東無疑傳以恤爲憂者蓼莪詩出則銜恤箋云親亡不得見恤憂也是也

丁卯命作冊度

釋文曰度舊音待洛反恐誤注云作冊書法度音宜如字

傳曰三日命史爲冊書法度傳命康王疏曰周禮內史掌策命故命內史爲策書也將崩雖日有遺命未作策書故以此日作之因作受策法度下憑几宣言是策書受命時升階卽位傳命後康王荅命受同祭饗是法度

越七日癸酉伯相命士須材

釋文曰相息亮反

鄭曰癸酉蓋大歛之明日也尚書疏○林之奇尚書全解三十八卷○董鼎書集傳輯錄纂注六卷○陳櫟書傳纂疏六卷王曰召公爲二伯相王室故曰伯相尚書疏○董鼎書集傳輯錄纂注六卷邦伯爲相則召公子丁卯

七月癸酉召公命士致材木須待以供喪用疏曰乙丑崩于今九日矣鄭云大歟明日也大夫以上殯歟皆以歟之來日數天子七日而殯于歟日爲八日故以癸酉爲殯之明日也故材木供喪用謂樟與明器士喪禮將葬筮宅之後始作樟及明器此既殯卽須材者天子禮大須預營之禮記云虞人致百祀之木可爲棺椁者斬之是與士禮不同顧氏亦云命士供葬椁之材

案曰鄭以癸酉爲大歟明日疏云云者意以大歟與殯同日據禮記王制天子七日而殯但以來日數故自丙寅數至壬申大歟爲七日則癸酉恰大歟明日曲禮上篇云生與來日歟與往日鄭彼注云與猶數也生數來日謂成服杖以歎明日數也歟數往日謂殯歟以歎日數也此士禮貶于大夫者大夫以上皆以來日數疏云云大夫以上則天子諸侯亦悉不數歟曰然則除乙丑壬申爲七日是日殯歟故癸酉爲大歟明日也王云召公爲二伯者下文云太保率鹵方諸侯畢公率東方諸侯是召公與畢公爲二伯也傳以材爲材木疏以爲樟引禮記證之者是檀弓下篇文彼疏云百祀者王畿內諸臣采地之祀必取祀木者賀瑒云君存則人神均慶沒則靈祇等其哀傷是也疏又兼言明器者檀弓上篇云旣殯旬而布材與明器材卽樟材明器鬼器竹木瓦皆有之以送葬夏備物不可用殷則用生人器周兼之加偶人也

狄設黼展綴衣

釋文曰黼音甫徐音補展於豈反

卷四百二十八 王光祿尙書後案

文

傳云狄下士展屏風畫爲斧文置戶牖間復設幄帳象平生所爲疏曰自此以下至立于側階皆是將欲傳命布設之事也禮記祭統云狄樂吏之賤者也故以爲下士喪大記復魄之禮云狄人設階是喪事使狄與此同也釋宮云牖戶之間謂之扆李巡曰謂牖之東戶之匱爲扆郭璞曰窓東戶匱也禮云斧扆者以其所在處名之郭璞又云禮有斧扆形如屏風畫爲斧文置于扆地因名爲扆是先儒相傳黼扆者屏風畫爲斧文在于戶牖之間考工記云畫繪之事白與黑謂之黼是用白黑屏風置之扆地故名此物爲黼扆也經于四坐之上言設黼扆綴衣則四坐皆設之此經所云狄設亦是伯相命狄使設之下設四坐陳寶玉兵器輶車皆是相命不言

所命之人從上省文也

案曰傳云狄下士疏引祭統以爲樂吏之賤者但祭統作翟周禮內司服渝狄闕狄鄭注狄當爲翟翟雉名則狄翟通也疏又引喪大記云云彼注亦云樂吏之賤者也傳又云扆屏風畫爲斧文者春官司凡筵注云斧謂之黼其繡白黑采以絳帛爲質依之制如屏風然斧謂之黼釋器文明堂位云天子負斧依彼及諸文多爲斧字若據本疏所引攷工記續人職云白與黑謂之黼則以采色而言若據繡于物爲金斧其文近刃白近鑿黑則以形狀而言蓋取斷割之義觀禮注云以示斷也知以絳帛爲質者周人尚赤黼扆當天子之位當用所尚正色故知以絳帛爲之絳正赤色也依制如屏風者

屏風起于漢世。辰當天子所立處之後，若爲天子屏翳其風，因取其名，故觀禮天子設斧依于戶牖之間，注云：依如今綈，素屏風也。又注明堂位云：斧依爲斧文，屏風于戶牖之間，鄭輒舉屏風况斧依，補辰卽斧依也。傳又云：置戶牖間者，據司几筵疏引作其置竟戶牖間，且釋之云：竟終也。戶牖間狹，故置之終滿戶牖間也。其說詳後。翫下文所設四坐爲牖間爲天子之正位，有黼扆而疏以爲四坐，皆有黼扆，恐非也。此綴衣傳云：幄帳是也。而云復設者，蒙上出綴衣之文，則非也。

牖間南嚮敷重篾席，黼純華玉仍几。

釋文曰：嚮許亮反，篾眠結反，純之允反，又之間反，下同。

鄭曰：篾析竹之次，青者不用生時席，新鬼神之事故也。華玉

五色玉也。

尚書疏○薛季宣書古文訓十三卷○林之奇尚書全解三十七卷○王天與尚書纂傳三十八卷

禮記二十馬曰：篾纖弱。

釋文○薛季宣書古文訓十三卷

王曰：篾席纖弱。

萃席蓋蒲席也。此見羣臣觀諸侯之坐。

尚書疏○又約王義薛季宣書古文訓十三卷○林之奇尚書全解三十七卷○王天與尚書纂傳三十八卷

傳曰：

篾桃枝竹白黑襍

繒緣之萃，彩色華玉以飾憑几，仍因也。因生時几，不改作疏。

曰：牖謂窓也。間者，窓東戶，戶牖之間也。周禮司几筵云：大

朝覲大饗，射封國命諸侯王位，設黼扆，扆前南向設莞筵，紛

純加縑席，畫純加次席，黼純左右玉几，彼所設者，卽此坐也。

戶牖之間謂之辰。彼言辰前，此言牖間，卽一坐也。彼言次席

而言重，知其下更有席也。此牖間之坐，卽是周禮辰前之坐，黼純此言，篾席黼純亦一物也。周禮天子之席三重，諸侯之席再重，則此四坐所言敷重席者，其席皆敷三重，舉其上席而言重，知其下更有席也。此牖間之坐，卽是周禮辰前之坐。

篾席之下二重其次は纁席畫純其下是莞筵紛純也此一坐有周禮可據知其下二席必然下文三坐禮無其事以辰前一坐敷三重之席知下三坐必非一重之席但不知其下二重是何席耳周禮天子左右几諸侯惟右几此言仍凡四坐皆左右几也鄭云左右有几優至尊也此篾席與周禮次席一也鄭注彼云次席桃枝席有次列成文鄭元不見孔傳亦言是桃枝席則此席用桃枝之竹必相傳有舊說也鄭注此則云析竹次青王肅云織蕘草席並不知所據也考工記白與黑謂之黼繹器緣謂之純知黼純是白繪黑繪錯雜緣之鄭注周禮云斧謂之黼其繡白黑采也以絳帛爲質其意以白黑之線縫刺爲黼文以緣席其事或當然也華是彩之

別名故以爲彩色用華玉以飾憑几也鄭元云華玉五色玉也仍因釋詁文周禮云凡吉事變几凶事仍几仍几因生時几不改作也此見羣臣諸侯之坐據周禮之文知之又觀禮天子待諸侯設斧扆于戶牖之間左右几天子袞冕負斧扆彼在朝此在寢爲異其牖間之坐則同

案曰鄭云云者殘闕也牖間南嚮者上疏引釋宮及注云云案引觀禮云云明堂位注云云皆以戶牖之間言之此云牖間卽彼諸侯戶牖之間舉牖以該戶也戶是出入之戶牖卽是窻所謂窻東戶牖者蓋古者人君宮室之制前爲堂後爲室堂兩旁爲東窗夾室卽翼室申有牆以隔之謂之東窗序後室之兩旁則爲東窗房室中以東向爲尊戶在其東南牖

在其函南堂以南向爲尊王位在戶外之函牖外之東所謂戶牖之間南嚮之坐也知戶在東者曲禮上云人子居不主奧彼注云不敢當尊室中函南隅謂之奧彼疏云室嚮南戶近東南角則函南隅隱奧無事故名奧釋宮云函南隅爲奥函北隅爲屋漏東北隅爲宦東南隅爲窾彼孫炎注云奥室中隱奥處彼疏云古者室戶不當中而近東則函南隅最爲深隱故謂之奥此皆戶在東之明證釋宮郭璞注云窾亦隱闔非也東南隅戶所在而可以言隱闔乎窾當爲宦說文卷七下宀部室函南隅奥室東北隅宦竝與釋宮同惟室東南隅爲宦戶樞聲也烏皎切知釋宮窾乃宦之誤因宀部窾字注云窺窾深也烏叫切後人以窺窾連文音又相亂遂爾致

誤耳然則東南隅既以戶樞聲得名則戶在東南明甚更以牖戶之間曰扆李巡郭璞皆云牖東戶函叅之戶在東南則牖在函南可知若然函南有牖納日光則但爲室中最深處而不可言隱諸家言隱者亦非何則函北隅之屋漏鄭詩箋釋漏爲隱然則函北爲隱函南爲深而非隱惟東南獨以戶樞聲名之以其爲戶所在也又扆既在牖東戶函而牖扆是南向正位必在堂正中爲室戶在東故戶函爲扆若戶本在函而又以戶函爲扆則且偏于堂之極函矣而可以設黼扆乎故知戶不在函而在東也若然則大雅斯干云築室百堵函南其戶者何據彼鄭箋及疏考之凡室戶東牖函乃是定制尊卑皆同但大夫士之宮室其前堂雖亦有東函夾室而

後室却只有鹵邊一室東邊一房無所謂東鹵房因其後半
截只有東房鹵室故室之戶偏于東與東房相近以房戶之
間爲正中今此天子之後室兩旁各有一房故就一室論戶
亦在東而就大判言之戶已在東鹵兩房之中比之大夫以
下一房者之室戶則已爲鹵其戶矣非實鹵其戶也知士止有東房者斯干疏禮記禮器疏推鄭意云士喪禮小斂婦人髽于室而喪大記諸侯之禮云小斂婦人髽帶麻于房中以士喪男子括髮在房婦人髽于室無鹵房故也上喪禮婦人髽于室在男子之鹵則諸侯之禮婦人髽于房亦在男子之鹵是有鹵房矣有鹵房自然有東房是諸侯有左右房士止一東房也知大夫亦止一房者鄉飲酒鄉射尊于房戶之間賓主共之由天子諸侯有東鹵房則以室戶牖之間爲中大夫無鹵房故以房與室戶之間爲中也直言房不言東鹵房無所對也又明堂之制有五室皆在四角與中央每室四傍開戶每
戶兩窓夾之共有四戶八窗今此獨一後室後室獨一南戶

耳故言南其戶也然則彼云鹵南其戶其實仍是東南其戶
與此經牖間南嚮爲在牖東戶鹵不相背也據彼箋謂彼所
築是天子之燕寢其制如諸侯之路寢蓋匠人注言天子之
路寢及宗廟其制皆與明堂無異斯干所說異于明堂故知
是天子之燕寢卽諸侯之路寢也今此成王崩殯陳設之地
正是天子之路寢而其制乃與斯干所說燕寢同者鄭志答
趙商張逸二條詳論其事以文王遷豐僅作靈臺辟雍其餘
猶諸侯制度武王遷鎬因之周公制禮建國土中乃立明堂
于洛邑洛誥王入太室裸卽月令所謂太廟太室也若鎬京
宮室則周公亦未及改作成王崩于鎬京故喪禮陳設之處
在路寢者有東鹵房如諸侯路寢之制不爲明堂制也其後

厲王之亂宮室毀壞先王所作無復可因宣王中興別更起造自然依天子法不作諸侯制故知斯干所咏是燕寢其實則與顧命路寢合由成王顧命時仍諸侯制故也

父案曰鄭云箋析竹次青者說文卷四上苜部云莫火不明也从苜从火苜亦聲周書布重莫席織蕡席也讀與蔑同莫結切說文引書據孔氏古文鄭亦傳孔氏古文必不有異說文作莫鄭本可知僞孔好用俗字改莫爲箋孔穎達不識字不知箋之不成字遂以僞孔之蔑入于鄭注不可以此而遂謂鄭作箋亦不可因鄭解爲析竹次青而謂其字當从竹也三國志六十四卷吳諸葛恪傳箋束其鬚是時始有箋字若謂孔氏古文作箋則說文何不于竹部引其文以爲从竹蔑

省而乃于苜部引之邪知鄭必亦作莫也但解爲析竹次青與說文異說文云織蕡卷一下艸部亦云蕡蒲本可以爲平席雖與馬王合恐非也僞傳云桃枝竹釋草桃枝四寸有節郭云今桃枝節間相去多四寸是也此說與鄭司几筵注次席合而與此經注析竹次青仍自不同鄭言不用生時席則莫席非次席僞傳亦非文字宜依說文傳注必宗鄭氏此說經科律所宜遵守也鄭又云不用生時席新鬼神之事者司几筵王位設黼依依前南鄉設莞筵紛純加縑席畫純加次席黼純是生時牖間之位設三重席席各異物且異純不用莫席今則重席惟用莫是不用生時席也下文三席仿此皆非生時席矣疏以莫席卽是周禮次席與生前同是三重

與鄭解異非也疏引周禮吉事變几凶事仍几亦司几筵文
司農注云變几變更其質謂有飾仍因也因其質謂無飾也
書顧命云云鄭彼注云吉事王祭宗廟裸于室饋食于堂繹
于祊每事易凡神事文示新之也凶事謂凡奠几朝夕相因
喪禮略攷經言華玉文貝彫玉皆是有飾漆則變更其質不
得以因其質解之司農注非是又此几席非設于殯前則非
有饋奠之事亦不得云奠几朝夕相因鄭注周禮未必卽尚
書義疏卽用周禮爲說誤耳蓋此言仍几者對席不因生時
爲言嫌几亦變之故曰仍几明几則仍生時也王肅以此爲
見羣臣覲諸侯之坐者疏引周禮司几筵大朝覲云云又引
儀禮覲禮云云肅據此故以此牖間之坐爲見羣臣覲諸侯

其說是也又檀弓夫子夢坐奠于兩楹之間而云明王不興
天下其孰能宗子彼注云宗尊也兩楹之間南面鄉明人君
聽治正坐之處今無明王誰能尊我爲君彼疏云顧命牖間
南嚮是天子兩楹治事處視朝雖在路門外退坐當路寢兩
楹然則正當爲見羣臣覲諸侯之坐也據疏肅說四坐皆與
孔同故今遂移孔傳爲肅注于傳不重出也

西序東嚮敷重底席綴純文貝仍几釋文曰底之履反

鄭曰底致也幾纖致席也

尚書疏○薛季宣書古文訓十三
纂傳三十八卷

馬曰底青蒲也

釋文○薛季宣書古文訓十三卷

青蒲席也此旦夕聽事之坐

尚書疏○林之奇尚書全解三
十七卷○王天與尚書纂傳三

十八卷傳曰東廡謂之序底翦萃綴雜彩有文之貝飾几疏

王光祿尚書後案

曰東鹵廂謂之序釋宮文孫炎曰堂東鹵牆所以別序內外也禮注謂蒲席爲蒻革孔以底席爲蒻革當謂蒲蒻之席也史游急就篇云蒲蒻藺席蒲蒻謂此也鄭謂此底席亦竹席各以意說耳綴者連綴諸色席必以彩爲緣故綴爲雜彩也貝者水蟲取其甲飾物釋魚于貝下云餘蛭黃白文餘泉白黃文李巡曰貝甲以黃爲質白爲文彩名爲餘泉以白爲質黃爲文彩名爲餘泉有文之貝謂此也此旦夕聽事之坐鄭王亦以爲然牖間是見羣臣觀諸侯之坐見于周禮其東序鹵嚮養國老饗羣臣之坐者燕禮云坐于阼階上鹵嚮則養國老及饗與燕禮同其鹵序之坐在燕饗坐前以其旦夕聽事重于燕飲故鹵序爲旦夕聽事之坐夾室之坐在燕饗坐四坐皆與孔同

案曰鄭云云者殘闕也鹵序者釋宮東鹵牆謂之序注云所以序別內外劉熙釋名卷五釋宮室篇云序次序也是也說文卷九下广部亦云序東鹵牆也與釋宮合下文陳寶疏云序者牆之別名是也傳乃改云東鹵廂牆字在广部新附此俗字不可用釋宮又云室有東鹵廂曰廟者此字後人所改據儀禮當作箱傳好用俗字姑勿論但據彼部注云夾室前堂蓋夾室之前堂是箱也而非卽夾室也至于序則是牆古

者宮室之內以牆爲隔牆之外卽夾室堂與夾室共此牆若以序卽夾室已非况以爲箱乎此經東嚮卽嚮之坐乃在堂上以其附近東卽序故以序言之原與夾室無涉而傳乃以爲東卽廂乎不但字俗義尤妄謬

又案曰鄭云底致也莫纖致席也者底致釋言文謂密致鄭以上文莫席爲析竹次青故此亦言莫纖致席馬王以上文傳頓首伏青蒲上服虔曰青緣蒲席馬王說似出于此要于底字之義無取不如從鄭說確也疏引急就解傳是第十四章文玉篇引此經重底作重蓆引傳弱蓆

作弱蓆皆誤

東序西嚮敷重豐席畫純雕玉仍几

釋文曰豐芳弓反

鄭曰豐席刮凍竹席畫純似雲氣畫之爲緣尚書疏○薛季宣書古文訓十卷○王天與尚書纂傳三十七卷王曰豐席莞此養國老饗羣臣之坐尚書疏○又約王義○林之奇尚書全解三十七卷○王天與尚書纂傳三十八卷傅曰豐莞彩色爲畫雕刻鏤疏曰釋艸云莞荷離郭璞曰今函方人呼蒲爲莞用之爲席也又云蘋鼠莞樊光曰詩云下莞上簟郭璞曰似莞而纖細今蜀中所出莞席是也考工記云畫繢之事襍五色是彩色爲畫釋器云玉謂之彫金謂之鏤木謂之刻是彫爲刻鏤之類

案曰鄭云豐刮凍竹者未詳王孔皆以爲莞疏引釋艸樊光注引詩下莞上簟小雅斯干文鄭彼箎云莞小蒲也司几筵有莞筵蒲筵是蒲有大小爲席有異要非鄭此注義也畫純

鄭以爲雲氣云云者鄭注三禮凡言畫者輒以雲氣解之如周禮幙人職畫布巾幙六彝司常職皆畫其象司几筵職畫純以及儀禮鄉射記凡畫者丹質禮記喪大記畫荒鄭注皆謂畫雲氣蓋古人之畫有所取象者皆畫成物若旌旗服章射侯等是其欲用文采而無所取象者則但畫雲氣而已故此經畫純鄭亦以爲畫雲氣傳云彩色爲畫疏引考工記不如鄭注明析也傳云彫刻鏤者說文多部云彫琢文也釋器玉謂之彫彫謂之琢雕彫通也王以此爲養國老饗羣臣之坐者禮記文王世子云始之養也適東序釋奠于先老遂設三老五更羣老之席位焉蔡邕明堂月令論引其文以東序爲明堂之東序此經所設几席據斯干疏引鄭志在路寢不

在明堂而王以東序爲養國老之坐者匠人注以天子路寢與明堂同制鄭志謂成王崩于鎬京鎬京宮室未爲明堂今欲于此傳顧命陳設几席自當放象明堂儀式也又以爲饗羣臣之坐者上節疏引儀禮燕禮彼文云小臣設公席于阼階上鹵鄉阼階之上當東序之前也推之天子燕羣臣則亦當東序鹵鄉之位矣又特牲云祝命徹胙俎豆邊設于東序下彼注云胙俎主人之俎設于東序下將私燕也檀弓疏云燕饗皆在阼階鹵面是饗與燕同故又以爲饗羣臣之坐也西夾南嚮敷重筭席元紛純漆仍几釋文曰夾工洽反徐音賴席于貧反紛孚云反漆音七徐七利反○案鄭曰筭析竹青皮也禮記曰如竹箭之有筭元紛純以元組曰漆是水名此經指言木名則字當作漆

爲之緣

尙書疏○禮記二十三卷禮器疏

馬曰

筭箸釋文○薛季宣書古文訓十三卷引作筭

箚○戴侗六書故二十三卷引皆誤王作筭箚○案曰薛戴引皆誤

義傳曰鹵廂夾室之前筭箚竹元紛黑綬此親屬私宴之坐疏約

王傳曰鹵廂夾室之前筭箚竹元紛黑綬此親屬私宴之坐疏約

故席几質飾疏曰下傳云鹵房鹵夾坐東東房東廂夾室然則房與夾室同實異名天子之室有左右房房卽室也以其

夾中之大室故謂之夾室此坐在鹵廂夾室之前故繫夾室言之釋艸云筭竹萌孫炎曰竹初萌生謂之筭足筭爲箚竹紛組之小別鄭周禮注云紛如綬有文而狹者也紛綬一物故以元紛爲黑綬周禮大宗伯云以飲食之禮親宗族兄弟鄭云親者使之相親人君有食宗族飲酒之禮所以親之也文王世子云族食世降一等是天子有與親屬私宴之事

纂曰鄭云云者殘闕也鹵夾南嚮者上翼室案言在堂兩頭如鳥之翼卽夾室今此鹵夾室也不設東夾坐者康王方恤宅于其中故也傳以鹵夾爲鹵廂夾室不知廂乃夾室之前堂也溷廂與夾而不分謬已甚矣乃又以此坐爲在鹵夾之前前字經文所無更妄增之則愈有不可解者疏多附會傳于此亦不能疏其所以在前之故攷鹵夾之前卽下文鹵堂有冕執鉞者立于此又雜列一席于此何爲邪且此席列于鹵夾室之前堂而鹵夾中獨空洞無物何爲邪且王肅以此爲親屬私宴之坐傳旣用之小雅湛露云厭厭夜飲在宗載考彼序云天子燕諸侯彼箋云夜飲之禮在宗室則私宴在室中甚明何乃以爲在室之前堂邪傳說非也

又案曰鄭云筍析竹青皮引禮器爲證今禮器作筠俗儒改也說文卷五上竹部但有筍字竹胎也从竹筍聲思允切筠字則在新附非許氏原文是古無此字蓋筍字有二義以爲竹青皮則于貧反以爲竹胎則思允反釋文並列兩音陸德明已不識字矣禮記聘義孚尹旁達彼注云尹讀如竹箭之筠彼釋文云尹依注音筍又作筠則知彼筠字亦俗儒改也今人但知筍爲竹胎則筍席之義不可解知爲竹外青皮則筍席者離析竹榦取其外青皮爲席也馬云筭筭竹部筭字注云竹筭也筭字注云楚謂竹皮曰筭是馬與鄭合也傳云筭竹筭字說文無妄也鄭又以元紛爲元組者司几筵注紛如綬說文卷十三上糸部云組綬屬則紛亦可言組也泰說

文卷六下部首木汁可以髹物漆几以漆髹几也王肅以此爲親屬私宴之坐者祭畢而燕自在東序此當是平日無事而宴也

越玉五重陳寶

釋文曰重直容反。案曰說文卷七下宀部云刀博衰切此部別出寶字而引書在宋字下不在寶字下則知字當作宀訓爲藏今本僞孔改也

玉也

釋文傳曰于東鹵序坐北列玉五重又陳先王所寶之器

物疏曰此經爲下總目下復分別言之越于也于者于其處所上云鹵序東嚮東序鹵則序旁已有王之坐矣下句陳玉復云在鹵序在東序者明于東鹵序坐北也序者牆之別名其牆南北長坐北猶有序牆故言在鹵序在東序也鹵序

二重東序三重二序共爲列玉五重又陳先王所寶器物河圖大訓貝鼓戈弓皆寶器也

案曰鄭云云者殘闕也越馬云越地謂南蠻百粵周書王會解備記四夷貢獻南方諸國無貢玉者其篇末又述湯令伊尹爲四方獻令欲因其地勢所有獻之伊尹于是爲四方令正南甌鄧桂國損子產里百濮九茵請令以珠璣瑇瑁象齒文犀翠羽茵鶴短狗爲獻不言獻玉是南方不產玉也馬說非是當從傳訓越爲于此一節爲總目下文也鄭云陳寶大事以率國者春官天府凡國之玉鎮大寶器藏焉若有大祭大喪則出而陳之是也傳云列玉五重在東鹵序坐北疏以序卽牆別名牆南北長坐北猶有序牆者下文東堂鹵堂鄭

注云序內半以前曰堂疏云謂簷下自室壁至于堂廉中半以前總名爲堂是牆南北長也其東序固長足容几席陳設鹵序其前爲殯殯南當留餘地爲獻醋拜起地殯北爲鹵序東嚮之坐坐北列玉二重亦足容之也

赤刀大訓宏璧琬琰在鹵序

釋文曰琬玕晚反琰以冉反

鄭曰赤刀者武王誅紂時刀赤爲飾周正色也大訓者謂禮法先王德教宏大也大璧琬琰皆度尺二寸者尚書疏○薛季宣書古文訓十三卷○林之奇尚書全解三十七卷○黃度尚書說七卷○王天與尚書纂傳三十八卷○周禮二十卷春官天府疏○玉海八十卷七卷圭璧門

王曰大訓虞書典謨大璧琬琰之珪爲二重疏傳曰赤刀寶刀削大訓虞書典謨大璧琬琰之珪爲二重疏

曰赤刀者刀有赤處刀一名削禮記少儀記執物授人之儀

上卷
云刀授穎削授拊鄭云避用時也穎環也拊謂把也然則刀施環削用把削似小于刀相對爲異散文則通吳錄稱吳人嚴白虎聚眾反遣弟興詣孫策策引白削斫席興體動曰我見刀爲然赤刀爲赤削白刀爲白削是削爲刀別名明矣大璧琬琰爲二重則琬琰共一重周禮典瑞云琬圭以治德琰圭以易行則琬琰別玉而共爲重者形質同也考工記琬圭琰圭皆九寸

案曰鄭云武王誅紂云云者周書克殷解商辛旣自燔于火武王適王所射之三發而後下車擊之以輕呂斬之以黃鍼史記周本紀言以輕劍擊之則輕呂劍名非刀鄭謂武王誅紂別有所佩之刀非謂卽誅紂之兵也禮記檀弓周人尙赤

故刀亦飾以赤也又云大訓謂禮法先王德教者鄭意蓋總謂古先王王孔以爲虞書典謨先王多矣何獨舉虞書乎恐非也鄭又云大璧琬琰皆尺二寸者璧與琮相配據攷工玉人大琮尺有二寸宗后守之則王所世守之大璧自必亦尺二寸若琬圭琰圭據玉人職皆九寸鄭云尺二寸者以彼文九寸是王使之瑞節此是宗器自然較大故知尺二寸也

大玉夷玉天球河圖在東序

釋文曰
琰音求

鄭曰大玉瑩山之瑩也夷玉東北之珣玕琪也天球雍州所貢之玉色如天者三者皆樸未見琢治故不以禮器名之河圖圖出于河水帝王聖者所受尚書二〇薛季宣書古文訓十三卷林之奇尚書全解三十七卷王天與尚書纂傳二十八卷周禮二十卷春秋官天府疏三國魏志十一卷管寧傳裴松之注玉海八

十七卷圭璧門馬曰夷玉東夷之美玉球玉磬尚書疏○釋文○林之奇尚書全解三十卷○王天與尚書纂傳三十一卷○玉海八十七卷圭璧門

王曰河圖八卦也尚書疏傳曰

三玉爲三重夷常也球雍州所貢河圖八卦伏羲王天下龍馬出河遂則其文以畫八卦謂之河圖及典謨皆歷代傳寶之疏曰三玉爲三重與上共爲五重也夷常釋詁文禹貢雍州貢球琳琅玕球是雍州貢也釋地云東方之美者有醫無闇之珣玕琪焉鄭以夷玉爲彼玉未知然否河圖八卦漢書五行志劉歆以爲伏羲氏繼天而王受河圖則而畫之八卦是也易繫辭云伏羲氏仰則觀象于天俯則觀法于地觀鳥獸之文與地之宜近取諸身遠取諸物于是始作八卦都不言法河圖此言河圖若蓋易理寬宏無所不法直如繫辭之

言取法已自多矣亦何妨更法河圖也且繫辭又云河出圖洛出書聖人則之若八卦不則河圖餘復何所則也

案曰鄭云大玉峩山之球者爾雅釋地云鹵南之美者有峩山之金石焉石卽球也山海經太峩之山其鹵小峩之山其陽多㻬琈之玉是峩山有玉也夷玉爲珣玕琪者疏引釋地東方之美云云鄭言東北蓋周禮職方氏云東北曰幽州其山鎮曰醫無間是固在東北說文玉部云醫無間之珣玕琪周書所謂夷玉鄭與說文合馬注亦同也天球雍州所貢者皋陶謨夏擊鳴球鳴球是已成之玉磬其未成器者卽天球禹貢雍州所貢有球當爲磬材未經琢治豫貢磬錯正以治之也三者皆璞云云者對上宏璧琬琰皆已琢治成形而言

也河圖出河水者鄭注易繫辭引春秋說云河以通乾出天
苞洛以流坤吐地符河龍圖發洛龜書成是河圖出于河也
王孔以爲八卦疏引漢書五行志爲證鄭但泛言帝王聖者
所受者蓋八卦是伏羲所受河圖而河圖不止是八卦書傳
所載古帝王如黃帝堯舜禹湯皆受河圖亦不獨一伏羲墨
子非攻篇云天命周文王伐殷有國泰顛來賓河出錄圖沈
約宋書符瑞志云周公旦攝政七年與成王觀于河沈璧禮
畢榮光出河青龍臨壇銜元甲之圖坐之而去周公援筆寫
之則周家世受河圖今成王初崩前代河圖皆在當皆傳寶
之不但陳本朝所受故鄭廣指帝王聖者也

允之舞衣大貝鼓在西房

釋文曰鼓扶云反

鄭曰大貝者書傳曰散宜生之江淮之浦取大貝如車渠是
也鼓鼓大鼓也此鼓非謂攷工記鼓鼓長八尺者若是周物
何須獨寶守明前代之物與周鼓鼓同名耳

周禮二十卷春官天府疏傳

曰允國所爲舞者之衣皆中法大貝如車渠鼓鼓長八尺商
周傳寶之卤房卤夾坐東疏曰夏有允侯知允是國名也大
貝大于餘貝如大車之渠考工記車因爲渠大如車因其形
曲如車因故比之也釋樂云大鼓謂之鼓此鼓必有異故寶
之卤序卽是卤夾卤夾之前已有南向坐矣卤序亦陳之寶
近在此坐之卤知此在卤房者在卤夾坐東也

案曰鄭引書傳云云者伏生書大傳也彼文云卤伯旣伐耆
紂囚之牖里散宜生遂之犬戎氏取美馬駿身朱鬪雞目者

之鹵海之濱取白狐青翰之於陸氏取怪獸大不辟虎狼尾倍其身名曰虞之有參氏取美女之江淮之浦取大貝大如車渠陳于紂之庭紂出見之還而觀之遂遣鹵伯伐崇是其事也貝大如車渠者陸德明云渠車輶也非車渠卽貝也車渠蛤屬生南海中大者如箕背有渠壘如蚶殼攻以爲器如白玉此別爲一物非此車渠也

兌之戈和之弓垂之竹矢在東房

釋文曰兌
徒外反

鄭曰允也兌也和也垂也皆古人造此物者之名

周禮二十
卷春官天

疏傳曰兌和古之巧人垂舜共工所爲皆中法故亦傳寶之
東房東廂夾室疏曰東夾室無坐故直言東廂夾室陳于夾
室之前也考鄭注周禮宗廟路寢制如明堂明堂則五室此

路寢得有東房鹵房者鄭志張逸以此問鄭荅云成王崩在

鎬京鎬京宮室因文武更不改作故同諸侯之制有左右房

也孔無明說或與鄭異路寢之制不必同明堂

案曰鄭云云者垂是巧工見堯典知四者皆人名也偽孔以鹵房東房卽是東鹵夾室上節傳云鹵房鹵夾坐東蓋偽孔謬以鹵夾南嚮之坐爲在鹵夾之前之堂上故以大貝等爲在鹵夾南嚮之坐之東此節傳云東房東廂夾室而東夾室則康王方恤宅于此故疏推傳意以戈弓等陳于東夾之前之堂上矣其實皆大謬也前堂後室古人定制說文卷十二上戶部云房室在旁也从戶方聲蓋房各有戶故从戶劉熙釋名卷五釋宮室篇云房旁也在室兩旁也與說文合然則

夾室在前堂之兩頭房在後室之兩旁是房在夾室之後矣當魏晉之時古人宮室之制猶可攷僞孔自當知之而乃以房爲卽夾室是故爲謬言以欺世邪抑真懵愚無識而然邪且如其說則几席寶玉等皆在堂上無有在房屋中者矣何悖謬至此也攷前堂後室堂有兩楹其中卽檀弓所謂兩楹間堂東鹵牆爲序序外爲夾室自兩楹傍至東鹵序各廣三分楹間之一後室之廣如前堂之楹間是後室固在前堂之後而較陋于前堂故後室兩旁之東鹵房雖當東鹵夾之後而較廣于東鹵夾又各延及于序內之北卽前堂兩楹旁之北鹵房當鹵夾後以東東房當東夾後以鹵也房雖與室連比其間有墉以間之各不相通故各于南隅設戶以通于堂其後室之

中東鹵北三面皆墉惟南一面東爲戶鹵爲牖故鹵房之戶出于鹵序內室牖之鹵東房之戶出于東序內室戶之東也戶皆在東南隅惟東房之戶則在鹵南隅因欲通于堂故如此其所陳寶玉在鹵房者陳于東墉下在東房者陳于鹵墉下知者上文鄭注云陳寶以葬國也則必不陳于屏隱之處今陳于房中必鹵房東墉下東房鹵墉下各當房戶之直北前堂皆得見之故知必陳于此也其房戶之外卽東鹵序內之地各有所陳今房中所陳直戶之北正與東鹵序之所陳南北相直鹵房直鹵序所陳之北東房直東序所陳之北也

大輅在賓階面綴輅在阼階面先輅在左塾之前次輅在右塾之前釋文曰阼才故反塾音孰一音育○案曰周禮鄭注引此經四輅字皆作路今本尙書作輅說文卷十四上車部云王光祿尙書後案

輶車輶前橫木也然則輶乃車上一物何得爲天子車名春官巾車典路及明堂位禮器郊牲皆作路鄭巾車注云王在焉曰路儀禮觀禮注云君所乘車曰路是作輶非也綴鄭引作輶訓次則作輶爲合今作綴亦假借也輶字在說文卷十三下土部新附中此俗字不可用當假借作輶也

鄭旦大路玉路輶次次在玉路後謂玉路之貳也先路象路門側之堂謂之塾謂在路門內之鹵北面與玉路相對也次路是象路之貳與玉路之貳相對在門內之東北面綴次是從後之言二者皆爲副貳之車不陳金輶革輶木輶者主于朝祀而已尚書疏約鄭義○林之奇尚書全解三十七卷○王天與尚書纂傳三十八卷○周禮二十七卷春秋官典路疏○案曰此條鄭注尚書疏所引以先輶爲金輶當作象其下不陳象輶革輶木輶云云象當作金二字互誤又但言先輶是金輶而其上不言大輶見玉輶明係脫一句此刻本之誤據周禮疏增改馬曰不陳戎輶者兵事非常故不陳之尚書疏○王同○林之奇尚書全解三十七卷○王天與尚書纂傳三十

八傳曰大輶玉綴輶金面前皆南向先輶象次輶木金玉象皆以飾車木則無飾皆在路寢門內左右塾前北面凡所陳列皆象成王生時華國之事所以重顧命疏曰周禮巾車掌王之五輶玉輶金輶象輶革輶木輶是爲五輶也此經所陳四輶必是周禮五輶之四大輶輶之最大故知大輶玉輶也綴輶繫綴于下必是玉輶之次故爲金輶也面前者據人在堂上面向南方知面前皆南向謂輶向南也地道尊右故玉輶在鹵金輶在東此經四路兩兩相配大輶綴輶先輶次輶二者各自以前後爲文玉輶金卽次象故言先輶象其木輶在象輶之下故云次輶木也又解四輶之名金玉象皆以飾車三者以飾爲名木則無飾故指木爲名耳鄭周禮注云革

輅輓之以革而漆之木輅不輓以革漆之而已以直漆其木故以木爲名木輅之上猶有革輅不以次輅爲革輅者禮五輅而此四輅于五之內必將少一蓋以革輅是兵戎之用于此不必陳之故不云革輅而以木輅爲次馬融王肅皆云云孔意當然也鄭以大輅玉輅先輅象輅輶輅玉輅之貳次輅金輅之貳未知孔鄭誰得經旨成王殯在路寢下云二人執惠立于畢門之內畢門是路寢之門知此陳設車輅皆在路寢門內也釋官云門側之堂謂之塾孫炎曰夾門堂也塾前陳車必以轅向堂故知左右塾前皆北面也左塾者謂門內之鹵右塾者門內之東故以北而言之爲左右所陳坐位器物皆以鹵爲上由王殯在鹵序故也其執兵宿衛之人則先

東後鹵者以王在東宿衛敬新主故也典路云若有大祭祀則出路大喪大賓客亦如之是大喪出路禮也

案曰鄭以大路爲玉路者大戴禮卷十二朝事篇云乘大輅建大常十有二旒樊纓十有再就巾車云王之五路一玉路錫樊纓十有再就建大常十有二旒彼注云大常九旗之畫日月者然則大路卽玉路也明堂位云乘大路旒十有二旒日月之章天子之禮也彼注云旌旗畫日月明堂位大路與禮器大路旒纓一就據鄭注俱是殷路所以與朝事巾車之十有再就者不同要大路是一故旒章則同雖旒纓不同不害大路卽玉路也鄭又以贊爲次謂是玉路之貳者望文爲說也巾車于玉路貳車無文而朝事云大路貳車十二乘是

大路有貳也鄭又以先路爲象路者巾車無先路其名惟見此及郊特牲郊特牲無注而于此必以爲象路者鄭以此經陳設皆爲將傳顧命欲以華國所陳之車主于朝祀而已巾車云玉路以祀象路以朝賚次是副貳皆無名旣以大路爲玉路故遂推先路以爲象路也若然巾車云象路朱樊纓七就而郊特牲先路三就不同者郊特牲所說亦是殷制與大路之絲纓殷周不同者一例不害此經先路是絲纓七就之象路也又云門側之堂謂之塾者釋宮文疏引彼孫炎注鄭璞注卽用之冬官匠人有門堂彼注云門堂門側之堂亦引釋宮此文以證是也又以次路爲象路之貳者次是次于先亦望文爲說也又云象路在路門內之鹵北面與玉路相對

次

內之東北面與玉路之貳相對者本疏引鄭志荅張逸詩疏引鄭志荅趙商皆以此傳顧命陳設器物在路門內之路寢下文云立于畢門之內畢門卽路門是經有明文也以賓階在鹵阼階在東皆是路寢之堂階南嚮則鹵爲右東爲左塾是門側之堂在路門之兩旁北嚮則鹵爲左東爲右故在左塾前者與在鹵階者相對在右塾前者與在東階者相對也又云不陳金路革路木路者以五路止陳其二故云云也上文東鹵序几席及列玉陳寶皆先言鹵後言東今四路正者皆在鹵副貳者皆在東疏謂因王殯在鹵固然矣其實亦因喪尚右故也檀弓云孔子與門人立共而尚右二三子亦尚右孔子曰二三子之耆學也我則有姊之喪故也

二三子皆尙左鄭彼注云惄尙右右陰也是也馬王云不陳戎路云云是馬王與僞傳同以大路爲玉綴路爲金先路爲象次路爲木故惟不陳革路也凡馬王與鄭異者傳必違鄭而從馬王類如此也但鄭云主于朝祀則革路以卽戎木路以田不陳宜矣金路以賓與朝同屬賓禮而不陳者旣朝而將嚮食則陳金路迎賓今惄中陳設無取禮賓故也

又案曰鄭以左右塾爲路門內者鄭意以下文執兵者立于畢門之內畢門卽路門以此推之則知几席寶玉車路等一切陳設皆在路門內此于經固有明文也此篇自召羣臣發顧命及崩而殯于堂上與夫一切陳設并傳顧命時行禮拜奠獻醋諸儀皆在路門內直至諸侯出廟門方結過路門內

事繼敘路門外事經文門凡三見曰逆子釗南門外曰立于畢門之內曰出廟門竢一指其地位方向而言一指門畢于此而言一指殯所而言三名一實皆路門也下文王出亦出路門故知王出以上所敘皆路門內事也且天子三朝五門皋門內之外朝應門內之治朝皆平地無堂階小宗伯注云庫門內之左右匠人云外有九室九卿朝焉注云九室如今朝堂諸曹治事處此當在應門內之左右其中間則皆平地君乘車出入登上皆在路寢之階前見樂師注蓋因自路門直至皋門皆平地故可行車匠人云路門不容乘車之五个應門二徹參入特言此若亦以路門應門皆可乘車出入故云然治朝無堂階不設凡席視朝之時君臣皆立不坐諸侯治朝無堂階衡升與下之有然則自路門以外堂且無之又何陳設之有

知此篇自發顧命直至王出以前皆路門內也釋宮云室有東鹵箱曰廟無東鹵箱有室曰寢郭注以東鹵箱爲夾室之前堂于無箱有室則注云但爲大寢此有鹵夾室有夾卽有箱似不得名寢但月令仲春寢廟畢備注云凡廟前曰廟後曰寢疏云廟是接神處其處尊故在前寢衣冠所藏之處對廟爲卑故在後但廟制有東鹵廂有序牆寢制惟室而已故釋宮云室有東鹵廂曰廟無東鹵廂有室曰寢然則釋宮所謂寢乃廟中藏衣冠之寢與凡爲寢不同鄭荅趙商張逸謂正禮天子路寢如明堂成王鎬京宮室因舊未及改作權用諸侯之制路寢有左右房不爲明堂制孔穎達因此說以次差之謂天子路寢旣應同明堂則燕寢當同諸侯路寢故顧

命之有夾有箱有左右房者本天子燕寢之制也成王崩殯必在路寢斷無在燕寢之理卽在燕寢尙應有夾有箱安得無箱之寢而殯之乎然則釋宮之文不可以疑顧命而謂其有箱非寢明矣特牲饋食是諸侯之士祭祖禰非天子之上其位爲最卑尙有几席兩敦在鹵堂彼注以爲鹵夾室之前近南彼疏卽據釋宮注夾室前堂謂之廟在鹵堂卽在鹵廂故云鹵夾之前近南也由此觀之諸侯之士其廟中尙有夾有箱則無夾無箱之寢意惟庶人方如此狹陋雖廟寢同制鄭惟據天子然以次推之諸侯大夫必無無箱之寢矣况天子乎知此篇自發顧命直至王出實在路門內之路寢也

二人雀弁執惠立于畢門之內

釋文曰弁皮彥反徐扶變反

鄭曰赤黑曰雀言如雀頭色也雀弁制如冕黑色但無藻耳惠狀蓋斜刃宜芟刈尚書疏林之奇尚書全解三十七傳卷一百五十一卷兵制門

尚書疏一百五十一卷兵制門傳

曰士衛殯與在廟同故雀韋弁惠三隅矛路寢門一名畢門疏曰士入廟助祭乃服雀弁于此服雀弁者士衛主殯與在廟同故爵韋弁也鄭元云云然則雀弁所用當與冕同阮諶三禮圖云雀弁以三十升布爲之此傳言雀韋弁者蓋以周禮司服云凡兵事韋弁服此人執兵宜以韋爲之異于祭服故言雀韋弁下云綦弁孔言鹿子皮爲弁然則下言冕執兵者不可以韋爲冕未知孔意如何天子五門皋庫雉應路也下云王出在應門之內出畢門始至應門之內知畢門卽是路寢之門一名畢門也

案曰鄭云赤黑曰雀言如雀頭色也者鄭注儀禮士冠禮云雀弁者冕之次其色赤而微黑如雀頭然是也又云雀弁制

如冕黑色但無藻者周禮弁師王之五冕皆元冕朱裏延紐五采藻十有二就皆五采玉十有二玉笄朱紱鄭彼注云延冕之覆在上是以名焉紐小鼻在武上笄所貫也又云諸公之藻旒九就又云諸侯及孤卿大夫之冕各以其等爲之鄭注云侯伯藻七就子男藻五就孤藻四就三命之卿藻三就再命之大夫藻再就子男藻五就孤藻四就三命之卿藻三就與冕同惟無藻爲異耳然則冕而無旒卽與雀弁不異而鄭注弁師又云一命之大夫冕而無旒士變冕爲雀弁則似無藻之冕仍與雀弁不同者賈氏士冠禮疏云冕者俛也低前一寸二分故得冕稱雀弁則前後平故不得冕名則雀弁與無旒之冕但有低仰之分仍不害爲同制也說文弁訓冕也

冕訓大夫以上冠也冠訓弁冕之總名是弁冕散文可通對文則異也傳以畢門爲路寢門者鄭司農眾注天官闔人路門一曰畢門注秋官朝士亦云然鄭皆不破彼闔人疏云路大也人君所居皆曰路言畢者從外而入路門爲終畢是也知路是大者夏官太僕建路鼓于大寢之門外注云大寢路寢也冬官匠人路門不容乘車之五个注云路門者大寢之門是也知畢是終者闔人朝士注及明堂位注皆以路門居天子五門之末是也又名虎門地官師氏居虎門之左注云虎門路寢門也又稱宮門太僕縣轂首服之法于宮門以小宗伯縣衰冠之式于路門二事相涉知宮門卽路門也

四人綦弁執戈上刀夾兩階凡

釋文曰

秦音其馬本作騏夾徐工洽反凡音俟徐音士○案曰

毛詩疏晉从王肅改也依疏及毛詩疏鄭馬作騏宜从之

鄭曰青黑曰騏詩曰我馬維騏戈卽今之句子戟

尚書疏○林之奇尚

書全解三十七卷○毛詩四之四卷鄭風出其東門疏○又七之三卷曹風鳴鳩疏○又二十之一卷魯頌駟疏○李樗

黃櫅毛詩集解十六卷馬曰騏青黑色

釋文王曰綦赤黑色尚書

疏○王海一百五十一卷傳曰綦文鹿子皮弁亦士堂廉曰凡士所

全解三十七卷林之奇尚書

傳曰綦文鹿子皮弁亦士也廉稜也立在堂下

立處疏曰大夫則服冕此服弁知亦士也廉稜也立在堂下

近于堂稜

案曰鄭云青黑曰騏且引詩以證者說文馬部云騏馬青驪文如博綦也驪是黑色故鄭云云謂騏弁色如馬騏文也王肅妄改騏作綦而偽孔氏從之今攷毛詩曹風其弁伊騏鄭箋騏當作綦以玉爲之正義夏官弁師云王之皮弁會五采

箋騏當作綦以玉爲之正義夏官弁師云王之皮弁會五采

玉璣注云會逢中也璣結也皮弁之逢中每貫結五采玉以爲飾謂之綦引此詩云其弁伊綦又云諸侯及孤卿大夫之皮弁各以其等爲之注云皮弁侯伯綦飾七子男綦飾五玉用采如彼周禮之文諸侯皮弁有綦玉之飾此云其弁伊騏知騏當作綦以玉爲之若然顧命云四人騏弁注云青黑曰騏不破騏字爲玉綦者以顧命之文于四人騏弁之下每云一人冕身服冕則是大夫也于四人騏弁之上云二人爵弁服爵弁則是士也云騏弁明亦是士弁師之文上云孤卿大夫之皮弁各以其等爲之不言士之皮弁則士皮弁無綦飾矣故弁師注云士皮弁之會無結飾以士皮弁無玉綦飾故知顧命士之騏弁正是弁作青黑色非綦玉之皮弁矣僞孔

疏于彼文妄改爲綦又以士弁無綦飾因解爲鹿子皮恐皆妄也鄭又云弋卽今句子戟者鄭注夏官叙官司戈盾及攷工記治氏弁劉熙釋名卷七釋兵篇竑同舉漢時名爲况也冶氏云戈廣二寸內倍之胡三之援四之司農注云援直刀也胡其矛則句子戟者以其胡名之也釋名又云戈過也所刺擣則決過所鉤引則制之弗得過所刺擣蓋謂其援所鉤引蓋謂其胡揚雄方言卷九云戟楚謂之矛凡戟而無刃秦晉之間謂之舒吳揚之間謂之戈此則以戟無刃者爲戈觀言戈上刃而冶氏所言戈戟之援皆其鋒刃則方言疑非是言文卷十二下云戈平頭戟也从弋一橫之象形戟有枝兵也此最明析據攷工戈一援一胡戟則一直接一枝援又

一胡枝援亦是其胡子蓋戟从戈从榦省二援則枝榦多非但一橫之而已是戈戟之異不在有刃無刃也兜者鄙忠恕汙簡卷下之一云兜音俟古文尙書作兜今隸書變也張揖廣雅卷七釋室篇云兜砌也砌俗字當作切張衡鴈京賦刊層平堂設切厓陳李善云切與砌通呂向云刊削也層累堂高也厓陳邊也削累其階令平高設切以爲厓陳是也傳以爲堂廉者漢書賈誼傳云人主之尊如堂陛九級上廉遠地則堂高是也經言夾兩階兜者階兜雖相連階非卽兜不得以夾階卽是夾兜蓋夾階者二人在一函階之函一在阼階之東相嚮而立夾兜者二人一立于東南堂隅之東一立于函南堂隅之函當前廉之兩旁厓下皆南嚮經合言之者以

一人冕執劉立于東堂一人冕執鉞立于函堂

鄭曰劉蓋今鑣斧鉞大斧序內半以前曰堂尚書疏○林之十七卷。王天與尚書纂傳三十八卷。玉海一百五十一卷。傳曰冕皆大夫也劉鉞屬立于東函廂之前堂疏曰周禮司服云大夫之服自元冕而下知服冕者皆大夫也鄭元云云謂序內簷下自室壁至于堂簷中半以前總名爲堂此立于東堂函堂者當在東函廂近階而立以備升階之人也

案曰鄭云劉鑣斧鉞大斧者劉鉞相對當相似說文卷十二

下戌部云斧也从戈彔聲今作鉞者俗字不可用然則戌是大斧劉必是戌之類故推以爲饑斧也又云序內半以前曰堂者序是東鹵牆序外是夾室則序內皆爲堂然序內當東夾鹵鹵夾東者中堂也是爲半以後其半以前則自楹間以及堂廉皆是若東夾之前爲東堂鹵夾之前爲鹵堂是亦序內之半以前卽東鹵箱也覲禮記几俟于東箱注云東箱東夾之前特牲鹵堂注云鹵夾室之前釋宮東鹵廂郭璞注云夾室前堂謂夾室之前堂爲廂也廂字在說文广部新附古無此字不可用依儀禮當作箱昭四季左傳寘饋于个杜預云个東鹵箱是也匠人明堂五室其實則十二堂再以月令攷之中央太廟太室正室也一室而四堂其東堂曰青陽太

廟南堂曰明堂太廟鹵堂曰總章太廟北堂曰元堂太廟四隅之室夾室也四室而八堂東北隅之室元堂之右夾青陽之左夾也其北堂曰元堂右个東堂曰青陽左个東南隅之室青陽之右夾明堂之左夾也其東堂曰青陽右个南堂曰明堂左个鹵南隅之室明堂之右夾總章之左夾也其南堂曰明堂右个鹵堂曰總章左个鹵北隅之室總章之右夾元堂之左夾也其鹵堂曰總章右个北堂曰元堂左个此經東堂鹵堂卽左个右个也僞傳云東鹵廂之前堂卽以廂爲夾非也

一人冕執戣立于東壘一人冕執瞿立于西壘釋文曰戣音達瞿其俱反徐音

瞿

鄭曰斂瞿蓋今三鋒矛尚書疏。林之奇尚書全解三十七卷。王天與尚書纂傳三十八卷。五十一卷傳曰斂瞿皆戟屬立于東鹵堂之階上疏曰釋詁云疆界邊衛圉壘也則壘是遠外之名此經所言冕則在堂上弁則在堂下此二人服冕知在堂上也堂上而言東壘鹵壘知在堂上遠地當于序外東鹵廂必有階上堂知此立于東鹵堂之階上也

案曰鄭云云者斂瞿蓋亦二器相似故鄭以爲皆三鋒矛也說文卷十二下戈部云斂周制侍臣執斂兵也从戈癸聲瞿則無見卷十四上金部新附有罐字注云兵器也此後人因顧命妄造此字耳不可信也惟王俅嘯堂集古錄卷上商瞿父鼎銘云鼎瞿字作雙目而中从一蓋古文瞿字疑此兵

器之形似此古文瞿字其上鋒刀似雙目其下柄似一故遂以名之與然說文卷四上瞿字爲部首但云鷹隼視也从佳从眴不收重文卯字疑不能定也垂說文卷十三下土部云壘遠邊也从土𠂔聲蓋東鹵夾旁之廉也堂基旣築土令高四面設切以爲廉在階之上堂之邊其南一面旣謂之東堂鹵堂其南北之深幾與序內半以後相等不須于堂外復留餘地而東鹵兩面則留餘地謂之壘所以容人往來蓋東夾鹵邊之牆爲東序而東夾東邊亦必有序序外卽鹵壘儀禮鄉射禮云賓與大夫之弓倚于鹵序矢在弓下北括眾弓倚于堂鹵矢在其上鄭注云上堂鹵廉言堂鹵廉則是鹵序外

之廉矣彼下文又云主人之弓矢在東序東則其上文賓與大夫之弓倚于鹵序者在鹵序鹵之廉上也是東鹵序外之廉上皆有餘地卽墜也立東墜者東嚮立鹵墜者鹵嚮也

一人冕執銳立于側階

釋文曰銳以稅反

鄭曰銳矛屬凡此七兵或施矜或著柄周禮戈長六尺六寸

其餘未聞長短之數側階東下階也

尚書疏○側階云云王三十卷○王天與尙書纂傳三十八卷同○林之奇尙書全解會選六卷○毛居正六經正誤二卷○玉海一百五十一卷

王曰惠戈劉鉞戣瞿銳皆兵器之名也

尚書疏○林之奇尙傳三十八卷

王天與尙書纂傳曰銳矛屬側階北下立階上疏曰鄭王以側階爲東下階然立于東墜者已在東下階上何由此人復共立故傳以爲北下階上爲堂北階北階則惟堂北一階

而已側猶特也此所執者凡七兵立于畢門之內及夾兩階立堂下者服爵弁綦弁者皆士也以其去殯遠故使士爲之其在堂上服冕者皆大夫也以其去殯近皆使大夫爲之先門次階次堂從外向內敍之也次東鹵墜次側階又從近向遠敍之也在門者兩守門兩廂各一人故二人在階者兩廂各二人故四人禮記明堂位三公在中階之前考工記夏后氏世室九階鄭云南面三三面各二鄭又云宗廟及路寢制如明堂則路寢南面亦當有三階矣此惟四人夾兩階不守中階者路寢制如明堂惟鄭康成說耳路寢三階于書亦未有明文縱有中階中階無人升降不須以兵衛之

案曰鄭以銳爲矛屬者銳當作鋒說文卷十四上金部銳字

但云芑也無兵器解左傳成二季銳司徒免乎杜註銳司徒主銳兵者漢書高帝紀朕親被堅執銳顏注銳謂利兵銳皆作虛字無兵器解也金部銳字注云侍臣所執兵也從金允聲周書曰一人冕執銳讀若允余準切據此知當作銳說文所引皆真古文鄭必與之同僞孔安改銳唐人不識字并所引鄭注亦作銳矣皆非也漢書揚雄傳長楊賦有云兗鋌瘢耆金鏃淫夷者數十萬人臣佖按字書無兗字今俗以爲兗州字兗州本作沈此兗鋌合作銳鋌漢書相承誤爲兗字如淳乃云兗括也師古又依孟康爲箭括愈無所據且箭括非刃豈與鋌小不同可傷夷人乎攷宋本漢書附此段于雄傳之末所謂臣佖者宋祁謂是張佖江南人歸宋者說文銳字

與鋌字相次則臣佖說是也鄭又云凡此七兵云云者如劉戈皆斧類詩伐柯傳云柯斧柄昭十二季左傳剥圭爲鍼柄杜預云鍼斧柄柄也則斧著柄者也銳爲矛屬劉熙釋名卷七釋兵篇云矛冒也刃下冒矜也則矛施矜者也攷工記簜人云戈柵六尺有六寸鄭注柵柄也其下文鄭注又云爲戈戟之矜所圍如殳則戈柵亦名矜說文矛部云矜矛柄則矜柄通稱此云或施矜或著柄者散文則通對文則異也簜人職云句兵桺刺兵桺鄭注云齊人謂柯斧柄爲桺則桺隋圜也搏圜也簜人又云凡爲殳五分其長以其一爲之被而圍之凡爲茵矛參分其長二在前一在後而圍之鄭注云被中也圍之圜之也凡矜八觚然則隋圜者柄也其手握處圜

而握不及處爲八觚者矜也是矜柄固有異也戈長六尺六寸者攷工記文餘則無文故云未聞也鄭又云側階東下階者以側是偏旁之義故以爲東下階蓋康王方恤宅于東翼室兵衛宜盛故于此獨多一人且康王將從翼室出而受顧命必不率爾從室戶出至東堂卽橫過楹間徑趨殯前若是之慢易簡捷也必當從東階降至庭中然後再從賓階躋以至殯前然則此東下階乃嗣王從翼室往殯所必由之處與鹵階不同故獨多此一人鄭注確不可易也禮記雜記說諸侯夫人奔父母喪歸本國入自闔門升自側階彼注云宮中之門曰闔門側階亦旁階也彼疏云闔門是旁側之門故云側階亦旁階也此謂東旁之旁階故奔喪禮婦人升自東階

知側階謂東面階也是也僞傳乃以爲北下階疏又申之云堂北惟一階側猶特也攷儀禮上昏禮記云婦洗在北堂有司徹云致爵于主婦主婦北堂注云北堂房中半以北是東房之北爲北堂也大射儀云工人士與梓人升自北階是路寢有北階矣鄭注燕禮及大射儀皆云羞膳者從而東由堂東升自北階房中鹵面南上是北階在東房北堂之下也又北堂惟東房有之鹵房無北堂故無階儀禮士冠禮云側尊一鄭注云側猶特也無偶曰側是側有特義鄭匠人注路寢明堂同制明堂九階南面三三面各二今此路寢鄭謂是因疾制有左右房不爲明堂制則東房正有一北階正當以無偶曰側之義解之鄭豈不知而必以爲東下階者房本爲行

禮之際別男女婦人在房北階乃婦人及進膳者所由今將傳顧命北階一無所事何用兵衛且此地既不用婦人又無進膳者此階無一人升降乃置一執銃者于此孤立向隅爲此寂寂亦甚可笑若以壯觀瞻則無人能見若以防守此地向內卽是小寢有何足防執銃者不太覺無謂邪疏又妄駁鄭謂立東壘者已在東下階上此人何復共立不知壘與階有別壘在堂廉上階在堂廉下彼立東壘者原不在東下階上此執銃者原在階不在壘豈相妨邪冕者必在堂上疏說如此未足據又何足難鄭邪傳疏皆非也

王麻冕黼裳由賓階躋案曰說文卷七下巾部常訓下羣重文
躋字新附亦無鄙風蠻竦朝躋于鹵傳云躋升曹風候人南山
朝躋傳云躋升雲春官旂旂十煙九日躋注云躋虹皆與此經

不合當作躋

鄭曰麻冕三十升布冠也黼裳者冕服有文者也

尚書疏○李昉等太

平御覽六百八十六卷服章部○案御覽脫十字以意增

傳曰王及羣臣皆吉服用鹵

階升不敢當主疏曰禮績麻三十升以爲冕故稱麻冕傳嫌

麻非吉服故言王及羣臣皆吉服麻冕蓋袞冕也周禮司服享先生則袞冕此禮授王冊命進酒祭王且袞是王之上服于此正王之尊明其服必袞冕也其卿士邦君當各以命服卽助祭之冕矣袞周禮注云袞之衣五章裳四章則袞衣之裳非獨有黼言黼裳者以裳之章色黼黻有文故特取爲文詩采菽言王賜諸侯云元袞及黼以黼有文故特言之鄭元云云是言貴文故稱之

案曰鄭云麻冕三十升布冠也者孔安國論語注云麻冕縑布冠也績麻三十升布以爲之是也布言升者所以辨其精麤也鄭注儀禮喪服傳云布八十縷爲升三十升凡二千四百縷布之至細者凡冠衣之布冠之升數必倍于衣朝服十五升故冕三十升也又云黼裳冕服有文者周之冕服九章黼當其第八其等衰則自九章至一章凡五王備有焉據鄭注周禮司服云毳畫虎雖謂宗彝也其衣三章裳二章凡五則此黼裳當是毳衣之裳刺黼黻二章者是有文者也對下蟻裳形裳止以色言皆無文者耳傳云用卤階升不敢當主者文王世子云成王幼不能涖阼周公相踐阼而治是嗣王當踐阼階今升自卤階未敢當主也

卿士邦君麻冕蟻裳入卽位

釋文曰蟻
魚綺反

鄭曰蟻謂色元也卽位者卿卤面諸侯北面

尚書疏○林之奇尚書全解三

大十七卷○王天與尚書纂傳三十八卷○御覽六百八十六卷服章部

傳曰公卿大夫及諸侯

皆同服亦廟中之禮蟻裳名色元疏曰卿士卿之有事者公則卿兼之此行大禮大夫亦與焉略舉卿士爲文公與大夫必在故傳言公卿大夫及諸侯皆同服言同服吉服此亦廟中之禮也言其如助祭各服其冕服也蟻蛇𧔗蟲也裳色元如蟻故名之禮祭服皆元衣纁裳此獨元裳者卿士邦君子此無事不可全與祭同改其裳以示變于常也太保太史有所主者則純如祭服暫從吉也鄭元云云惟據經卿士邦君子言之其公亦北面孤東面也

案曰鄭云蟻謂色元也者說文無蟻字檀弓蟻結于四隅釋文蟻一作蛾學記注蛾蟻也然則字當作蛾又作螻釋蟲云蚍蜉大螻小者螻舍人曰蚍蜉卽大螻也小者卽名螻也方言卷十二云蚍蜉鹵南梁益之間謂之元蚧是色元也司服注服章無蟻故以爲裳色如蟻與上雀弁騏弁同也入者入畢門王賓在畢門之內路寢卿士邦君入畢門以聽傳顧命也鄭云卿鹵面者謂在中庭之東諸侯北面者在中庭之南蓋經言入卽位不言升階知皆陪位于中庭也

太保太史太宗皆麻冕形裳

傳曰執事各異裳形纁也太宗上宗卽宗伯也疏曰此三官皆執事各異裳者各異于卿士邦君也形赤也禮祭服纁裳上宗一人卽宗伯之卿也

案曰傳以形爲纁者靜女詩鄭箋云形管筆赤管也因卦鄭注云朱深于赤爾雅云一染謂之縷再染謂之窺三染謂之纁與攷工鍾氏略同天官染人司農注云纁絳也而鄭于士冠禮朱絳注論染絳之法備用爾雅文乃云朱則四入與然則形赤是一朱與赤纁與朱深淺雖別亦是一故以形爲纁也

太保承介圭上宗奉同瑁由阼階釋文莫報反

鄭曰上宗猶太宗變其文者宗伯之長大宗伯一人與小宗伯二人凡三人使其上二人也一人奉同一人奉瑁同酒杯

尚書疏○林之奇尚書全解三十七卷
○三國吳志十二卷虞翻傳裴松之注馬曰同者大同天下
傳注虞翻傳曰大圭尺二寸天子守之故奉以奠康王所位同爵

名瑁所以冒諸侯圭以齊瑞信方四寸邪刻之用阼階升由
便不嫌疏曰考工記玉人云鎮圭尺有二寸天子守之鎮圭
圭之大者介訓大也故知是彼鎮圭天子之所守故奉之以
奠康王所位以明正位爲天子也禮又有大圭長三尺知介
圭非彼三尺圭者典瑞云王擅大圭執鎮圭以朝日玉人云
大圭長三尺天子服之彼擅于紳帶是天子之笏不是天子
所守故知非彼三尺之大圭也上宗奉同瑁則下文云天子
受同瑁太保必奠于位其奉介圭下文不言受介圭者以同
瑁并在手中故不得執之太保必奠于其位但文不見耳禮

奠爵無名同者但下文祭酢皆用同奉酒知是爵名也玉人
云天子執瑁四寸以朝諸侯鄭注云名玉曰冒者言德能覆
蓋天下也四寸者以尊接卑以小爲貴禮天子所以執瑁者
諸侯卽位天子賜之命圭圭頭邪銳其瑁當下邪刻之其刻
濶狹長短如圭頭諸侯來朝執圭以授天子天子以冒之刻
處冒彼圭頭若大小相當則是本所賜其或不同則圭是僞
作知諸侯信與不信故天子執瑁所以冒諸侯之圭以齊瑞
信猶今之合符然經傳惟言圭之長短不言濶狹瑁方四寸
容彼圭頭則圭頭之闊無四寸也天子以一瑁冒天下之圭
則公侯伯之圭闊狹等也此瑁惟冒圭耳不得冒璧璧亦稱
瑞不知所以齊信未得聞也阼階東階也鄭冠禮注云阼猶

醋也東階所以答醋賓客是其義也禮凶事設洗手鹵階內南吉事設洗手東階東南北此太保上宗皆行吉事盥洗在東故由阼階升由便以卑不嫌爲主人也

案曰鄭云云者殘闕也傳以承亦爲奉者說文手部義也列子黃帝篇云呂梁懸水一丈夫游之孔子使弟子竝流而承之張湛注方言出溺爲承出溺有升舉之義此兩手奉圭故云承也傳以介圭爲大圭尺二寸天子守之者介大釋詁文釋器云珪大尺二寸謂之玠大雅松高云錫爾介圭以作爾寶部璞注引作玠玠介同也彼箋亦云圭長尺二寸謂之介諸侯之瑞圭自九寸以下不得有尺二寸尺二寸則天子之鎮圭即疏引玉人云云者是故王錫申伯以爲其寶不得執

爲瑞信今將傳顧命故奉以奠于位也鄭云宗伯之長三人使其二人者同璪兩物兩手奉一物故用二人奉之大宗伯卿一人小宗伯中大夫二人二人爵等而自有差使其上一人與大宗伯爲二也鄭又以同爲酒榼者裴松之引虞翻別傳翻奏鄭解尚書違失事云顧命執璪古曰字似同從誤作同既不覺定復訓爲榼謂之酒榼甚違不知蓋闕之義玉人職曰天子執璪以朝諸侯謂之酒榼誤莫大焉馬融訓注亦以爲同者大同天下今經益金就作銅字詁訓言天子副璽雖皆不得猶愈于元推翻之意因說文卷一上玉部古文璪字作珥遂以爲經文本當作上宗奉珥無同字祇緣今文作珥傳寫分爲兩字遂誤作珥後人以目似同復誤作同珥

鄭不能覺定其誤從而訓爲桮馬融雖不能覺同爲誤而猶不解爲酒杯故訓爲大同以同瑁配介圭尙爲近理又據翻所見別本竟有同有益金訓爲璽者故翻以爲二說雖皆不得猶愈于元此則翻駁鄭之意也翻見經典無以同爲酒桮者獨此一見故不肯信其實則大謬不然也假如其說則下文乃受同瑁亦當作乃受瑁猶可通也而下文用以祭用以醑用以齊者是何物乎豈皆當作瑁乎豈瑁亦可酌酒乎若非酌酒則瑁是鎮圭重器莫于坐以示王之爲主者也乃于此獻醑行禮之際屢相授受如兒戲何爲乎翻真妄人矣璽起秦漢周初安有此乃云猶愈于元更妄矣鄭注其詳不可得聞推鄭意同蓋圭瓚可盛鬯酒者故鄭以爲酒桮也下文

太保以異同秉璋以醑則彼同是璋瓚矣半圭曰璋璋瓚亞于圭瓚禮記祭統云君執圭瓚裸尸太宗執璋瓚亞裸是其差也太保以醑之同既是璋瓚則此同王將受以祭者自是圭瓚也傳云瑁所以冒諸侯圭以齊瑞信云云者說文玉部云瑁諸侯執圭朝天子天子執玉以冒之似犧冠是也

太史秉書由賓階躋御王冊命

鄭曰御猶嚮也王此時正立賓階上少東太史東面于殯鹵南隅讀策書以命王嗣位之事尚書疏。王天與尙書纂傳三十八卷傳曰太史持冊書顧命進康王故同階疏曰太史持策書欲進王故與王同升鹵階不言王面北可知也

案曰鄭云御猶嚮也者御卽迓字迓之言迎迎則必向也王

由賓階升知此時立賓階少東者以太史隨王升階將由其
鹵讀冊王自當少東避之也知太史東面于殯鹵南隅者禮
記少儀云詔詞自右此以成王命詔王當立殯之右故也
曰皇后憑玉几道揚末命命汝嗣訓臨君周邦率循大卜燮和
天下用荅揚文武之光訓王再拜興荅曰眇眇予末小子其能
而亂四方以敬忌天威釋文曰憑皮冰反徐扶變反眇彌小反

王曰大卜大法尚書疏傳曰大君成王憑玉几所道稱揚終命
命汝繼嗣其道言任重用是道臨君周國率羣臣循大法用
和道和天下用對揚聖祖文武之大教敍成王意微微我淺
末小子能如父祖治四方以敬忌天威乎謙辭

案曰王以十爲法者十卽冠弁之弁說文卷八下兒部𡇗字

注云冕也周曰冕殷曰暭夏曰收从兒象形重文𡇗字注云
籀文𡇗从升上象形今隸變作弁者从籀省也又重文𡇗字
注云或𡇗字此卽今隸變作十者也漢成紀贊十射武戲應
劭曰十射皮十而射也則弁轉爲十久矣此經大十卽大弁
然則弁得法訓者卷七下口部𡇗字注云弁冕之總名也从
口从元元亦聲冠有法制从寸是由弁居元首而有法制故
訓法也

乃受同瑁王三宿三祭三咤釋文曰咤防嫁反字亦作宅又音
丁故反奠爵也馬作咤與說文音義同

鄭曰王旣對神則一手受同一手受瑁宿肅也徐行前曰肅
却行曰咤王徐行前三祭又三却復本位尚書疏○董鼎書集傳輯錄纂注六

卷○陳櫟書傳纂疏六卷王曰咤奠爵尚書疏○董鼎書集傳輯錄纂傳

注六卷○陳櫟書傳纂疏六卷傳

曰王受瑁爲主受同以祭禮成于三故酌者實三爵于王王三進爵二祭酒三奠爵告已受羣臣所傳顧命疏曰王受冊命之時立于鹵階上少東北面太史于柩鹵南東面讀策書讀冊既訖王再拜上宗于王鹵南北面奉同瑁以授王王一手受同一手受瑁王又以瑁授宗人王乃執同就樽于兩楹之間酌酒乃于殯東鹵面立三進于神坐前祭神如前祭几前祭酒醉地而奠爵訖復位再拜王又于樽所別以同酌酒祭神如前復三祭故云三宿三祭三咤天子執瑁故受瑁爲主同是酒器故受同以祭鄭元云王一手受同一手受瑁然既受之後王受同而祭則瑁以授人禮成于三酌者實三爵

于王當是實三爵而續送三祭各用一同非一同而三反也釋詁云肅進也宿卽肅也故以宿爵而續送祭各用一同爲一進三宿爲三進爵從立處而三進至神所也三祭酒三爵酒于神坐也每一爵酒則一奠爵三奠爵于地也經典無此咤字以既祭必當奠爵旣言三祭知三咤爲三奠爵也鄭元云云與孔異也

案曰鄭以宿爲肅云徐行前曰肅者少牢饋食禮前宿一日宿戒尸牲饋食禮乃宿尸祭統宮宰宿夫人鄭于彼三經竝注云宿讀爲肅隋大業五年終南山舍利塔銘有京兆府大興縣御肅鄉卽御宿川也是宿與肅通釋詁肅進也是行而前也士冠禮乃宿賓注亦云宿進也是也又云却行曰咤則因僞孔作咤作疏者并鄭注亦

引作咤說文卷七下口部託奠爵酒也从一託聲周書曰王三宿三祭三託當故切鄭本必亦作託但解則異訓爲却當亦以音近得訓也王旣受同翟自當稍進近殯前旣三祭則却就本位此祭謂灌祭也說文卷一上示部云裸灌祭也是也小宰注云天地大神不裸人道宗廟有裸裸有二將祭用圭瓚盛秬鬯酒灌地求神然後迎尸及祭用圭瓚秬鬯獻尸尸受酒不飲但沃茅灌地今此權禮非吉祭未必有尸故王代尸祭酒傳以宿爲進爵咤爲奠爵則嫌文繢備禮此喪中不當如吉祭備禮故鄭但以宿爲進託爲却王孔非也

士宗曰饗

傳曰祭必受福讚王曰饗福酒疏曰酌福酒以授王上宗讚

王曰饗福酒王再拜受酒跪而祭先齊至齒興再拜禮于祭未必飲神之酒受神之福禮特牲少牢主人受嘏福是受神之福也其告祭小祀則不得備儀直飲酒而已此非大祭故于王三奠爵訖上宗以同酌酒進王讚王曰饗福酒王取同齊之乃以同授太保也

太保受同降

傳曰受王所饗同下堂反于筐疏曰太保受同降自東階反于筐也上宗讚王以饗福酒卽云太保受同明是受王所饗同也祭祀飲酒之禮爵未用皆實于筐旣飲皆反于筐知此下堂反于筐也

盥以異同秉璋以酢

釋文曰酢才各反○案曰酢當作醕說文卷十四下酉部云醕主人進客也或作酬

皇清經解

卷四十一

王光祿尙書後案

癸

醋客酌主人也在各切酢醕也倉故
切酸酢也素官切今俗醕酢相亂

傳曰太保以盥手洗異同實酒秉璋以醕祭半圭曰璋臣所奉王已祭太保又祭報祭曰醕疏曰又盥以異同執璋升自東階適樽所酌酒至殯東鹵報祭之祭祀以變爲敬不可卽用王同故太保盥手更洗異同實酒乃秉璋以醕祭于上祭後更復報祭猶如正祭大禮之亞獻也周禮典瑞云四圭有邸以祀天兩圭有邸以祀地圭璧以祀日月璋邸射以祀山川從上而下遞減其半知半圭曰璋祭統云君執圭瓚太宗執璋瓚謂亞獻用璋瓚此非正祭亦是亞獻之類故亦執璋若助祭公侯伯子男自得執圭璧也秉璋以醕是報祭之事王已祭太保又報祭也醕訓報也故報祭曰醕飲酒之禮稱

獻者亦是報之義也

案曰傳云盥手者說文皿部云澣手也从臼从水从皿臼爲兩手兩手掬水臨于皿上象人澣手也傳又云半圭曰璋者何休公羊定八季傳注及毛詩斯干傳鄭周禮大宗伯注俱有其文圭首上銳兩旁各剡寸半其銳者正璋首則惟剡一偏其一偏則衰銳上出形如半圭然故半圭曰璋也傳云璋臣所奉者此王肅義也大雅棫樸奉璋峩峩王肅云璋羣臣鄭云圭瓚以圭爲柄謂之圭瓚未有名璋瓚爲璋者小雅斯干毛傳云璋臣之職其意以人臣行禮當執璋棫樸傳惟解璋不言瓚其意亦不以爲裸獻所用肅故據此難鄭肅于毛

詩注如此則注尙書可知僞傳專從馬王而違鄭此傳與肅毛詩注合故知必肅義也如其說則璋似禮神之玉春官大宗伯冬官玉人禮神各有玉寘于神坐金膝周公植璧山海經亦屢言玉禮神今言秉璋以酳必非專言禮神反畧祫祭不言明璋卽是異同亦卽是璋瓚且經典說臣行禮亦用圭璧非必用璋者故疏不用傳義別引祭統君執圭瓚祫尸大宗伯執璋瓚亞祫以解此經秉璋卽是亞祫也郊特牲云灌以圭璋知灌地之璋瓚得單名璋也彼棫樸鄭箋云祭祀之禮王祫以圭瓚諸臣助之亞祫以璋瓚詩鄭王異義如此據詩以例書則此疏所引祭統云云殆卽鄭義孔穎達心有不安于僞傳而疏家體未便立異故隱鄭名與彼祭統注云圭

瓚璋瓚祫器也以圭璋爲柄酌鬱鬯曰祫今旣以璋瓚亞祫解此太保秉璋則上文王所用以祭之同自卽圭瓚二瓚皆名同殆猶弁冕皆名冠與然酳字之義疏猶未得蓋秉璋者秉之以祫獻耳下言以酳謂旣獻則自酳也周禮司尊彝職春祠夏禴秋嘗冬烝以及追享朝享于六彝六尊各用其二而其下輒云皆有罍諸臣之所酳鄭注云諸臣獻者酌罍以自酳又云朝獻謂尸卒食王酳之再獻者王酳尸之後后酌亞獻諸臣爲賓又次后酌益齊備卒食三獻也據鄭注司几筵謂王酳尸卒爵祝受之又酌授尸尸酳王據祭統尸酳夫人執柄則后獻尸尸亦酳后可知據司尊彝注則臣獻尸尸不酳臣臣自酳也茲祭于成王殯宮雖不立尸異于吉祭然

經言醯亦必獻而自醯也

授宗人同拜王荅拜

傳曰宗人小宗伯佐太宗者太宗供王宗人供太保拜曰已傳顧命故授宗人同拜王荅拜尊所受命疏曰欲祭之時授宗人同拜白王柩云已傳顧命訖王則荅拜拜柩尊所受命上宗爲大宗伯知宗人爲小宗伯也太保所以拜者爲白成王言己已傳顧命訖也將欲拜故先授宗人同拜者自爲拜神不拜康王但白神言已傳顧命之事先告王已受顧命王荅拜者尊所受之命亦告神使知故荅拜也王旣祭則奠同于地太保不敢奠于地故以同授宗人然後拜也太保旣醯祭而拜則王之奠爵每奠必拜于土祭不言拜者祭酒必拜

乃是常禮于王不言拜于太保言拜者足以見王拜也

太保受同祭釋文曰齊

才細反

傳曰太保旣拜而祭旣祭受福齊至齒則王亦至齒王言饗太保言齊互相備疏曰太保乃于宗人處受同祭柩如王禮但一祭而已祭訖乃受福祝酌同以授太保宗人讚太保曰饗福酒太保再拜受同亦祭先而齊至齒太保受同者謂太保旣拜之後于宗人邊受前所授之同而進以祭神旣祭神之後遂更受福酒齊以至齒禮之通例啐入口是齊至于齒示飲而實不飲也太保報王之祭事與王祭禮同而史錄其事二文不等故傳辨其意于太保言齊至齒則王饗福酒亦齊至齒也于王言上宗曰饗則太保亦應有宗人曰饗二文

不同互見以相備

案曰此言祭者奠之地也太保秉璋旣已裸祭矣今將飲福復奠之地如左傳祭之地王制獮祭魚豺祭獸之祭非裸祭之祭疏說非也上文王飲福酒疏補言跪而祭此經言祭亦猶是也傳以齊爲至齒者說文卷二上口部云齊嘗也引周書此文爲證顧野王玉篇卷上第五十六口部云齊至齒也亦引此文爲證至齒是嘗也雜記小祥之祭主人齊之衆賓兄弟啐之鄭注云齊啐皆嘗齊至齒啐入口此則齊而不啐也

宅授宗人同拜王荅拜

釋文曰宅如字馬司徐殆故反

傳曰太保居其所授宗人同拜白成王以事畢王荅拜敬所白疏曰興再拜訖于所居位授宗人同太保更拜白柩以事

畢王又荅拜拜柩敬所白宅訓居也太保居其所于受福酒之處足不移爲將拜故授宗人同祭祀旣畢而更拜者白成王以事畢也旣拜白成王以傳顧命事畢則王受顧命亦畢王荅拜敬所白也

太保降收

傳曰太保下堂王亦可知有司于此盡收徹疏曰王與太保降階而不堂有司于是收徹器物

案曰傳云太保下王可知然則太史太宗宗人等皆下可知也傳又云盡收徹者總指上文所設几席寶器四路盡收之也又案曰自此以上所敍成王崩而殯于路寢堂上一切几席寶玉陳設皆在堂上殯前又留餘地爲傳顧命時行禮拜奠

獻醋之地攷匠人明堂東鹵九筵南北七筵賈公彥疏云周人殯于鹵階之上王寢與明堂同則南北七筵惟六十三尺三室居六筵室外南北共有一筵一面惟四尺半得容殯者書傳云周人路寢南北七雉東鹵九雉室居二雉則三室之外南北各有半雉雉長三丈則各有一丈五尺足容殯矣若然云同者直制同無妨大矣檀弓孔穎達疏亦云路寢制如明堂明堂五室之外堂上窄狹得容殯者以路寢廣大故得容之其上圓下方五室之屬如明堂耳明堂位疏亦與匠人賈疏畧同賈孔疏三條皆從伏生書大傳及鄭注推衍得之路寢之堂南北更深于明堂之前堂一丈有餘所以堂上得容殯今鎬京路寢雖爲諸侯制小于明堂但旣爲三室較彼

明堂五室少其二室則堂上轉愈寬深所以容殯外尙得設

三坐陳寶玉并獻醋拜起餘地也

諸侯出廟門俟案曰侯當作俟牀史反俟訓大別是一字

傳曰言諸侯卿士以下可知殯之所處故曰廟待王後命疏曰廟門謂路寢門也後篇云二伯率諸侯入應門則諸侯之出應門之外非出廟門而已以其在廟行事事畢出于廟門不言出廟門卽止也

案曰傳云言諸侯卿士可知者此諸侯卽上文卿士邦君入卽位者內惟齊侯衛侯爲畿外餘皆畿內非下文所云鹵方東方諸侯也彼諸侯須二伯率之乃入耳始時竝未先入路門至殯宮之前疏誤也廟門傳疏以爲殯處故曰廟卽路門

者卽上文一名畢門者也禮記雜記云至于廟門不毀牆遂入適所殯是謂諸侯必于外而歸至殯所是亦謂殯宮爲廟鄭小宗伯注又謂之殯門猶此經稱廟門也僖八季左傳凡夫人不殯于廟則弗致似正禮當殯于廟又僖三十二季傳晉文公卒殯于曲沃曲沃晉宗廟所在是亦殯于廟者若然則自殯處而出廟門安見非宗廟之門而傳疏必以爲路門者檀弓云殷朝而殯于祖周朝而遂葬則周之不殯于廟禮有明文且此上文陳兵衛于畢門內畢門卽路門則殯在路寢明矣安得在宗廟乎若左傳所云不殯于廟則弗致者鄭以爲春秋變周之文從殷之質故不同也其晉文公殯于曲沃則衰世不遵周法不可據鄭志趙商問周朝而遂葬則是

殯于宮葬乃朝廟春秋晉文公卒殯于曲沃是爲去絳就祖殯與禮記異未通其說鄭荅曰葬乃朝廟周之正禮其末世諸侯何能同也然則此經云諸侯出廟門者是卿士邦君出路門也出至路門外則在應門內矣此時太保畢公雖亦同眾人出至路門外而且并出至應門外以將率諸侯入故餘人則皆序立以俟也疏乃謂眾人盡出至應門外非也傳又以俟爲待王後命攻路門外之治朝卿士邦君皆有班位故于此俟俟者俟王朝也僞孔欲于此下分篇若言俟朝則文勢一貫不可分矣故刪待後命之說其實非也

王出在應門之內疏曰伏生以此篇合于顧命共爲一篇後人知其不可分而爲二馬鄭王本此篇自高祖寡命已上內于顧命之篇王若曰以下始爲康王之誥諸侯告王玉報告諸侯而使告報異篇失其義也○案曰鄭馬王本皆

孔氏之舊今本
乃晚晉妄改

傳曰王出畢門立應門內之中庭南面疏曰出在門內不言王坐諸侯既拜王卽答拜復不言興知立庭中南面也

案曰傳以王出爲出畢門者王亦出路寢門卽上文畢門亦卽廟門也應門者釋宮云正門謂之應門郭注云朝門冬官匠人應門二徹參今注云正門謂之應門謂朝門也是也今據天官宰夫闔人夏官司士大僕秋官小司寇朝士冬官匠人諸職之經注及疏又據明堂位玉藻文王世子等篇之經注及疏并詩大雅緜篇論語鄉黨篇叅攷之天子諸侯各有三朝一外朝二治朝三燕朝但天子五門自外向內數之一皋門二庫門三雉門四應門五路門皋門內庫門外爲外朝

朝士建其法小司寇掌其政列三槐九棘設嘉石肺石致萬民而詢國危國遷立君于斯斷獄訟于斯庫門內雉門外則右社稷左宗廟不設朝雉門闔人掌其禁而又謂之中門以其居五門之中設兩觀釋宮謂之闕冢宰謂之象魏一物三名應門內路門外爲治朝司士正其位宰夫掌其法而太僕正王之位王日視朝于斯路門內爲燕朝卽路寢太僕正其位掌摺相而族人朝于斯圖宗人嘉事于斯燕射于斯王日聽政于斯諸侯則三門庫門內爲外朝雉門內爲治朝路門內爲燕朝無皋應魯亦無皋應但庫門爲天子皋門制雉門爲天子應門制惟此爲異以上諸文皆以康成鄭氏說爲定

外朝在庫門外朝士注甚明而小司寇注云在雉門外雉本當作庫賈疏已明言之三禮義宗及通典承誤作雉後人遂

疑康成自相矛盾非也治朝燕朝對外朝言皆內朝玉藻說
諸侯之事云朝服以日視朝于內朝羣臣辨色始入君日出
而視朝退適路寢聽政使人視大夫大夫退然後適小寢此
內朝卽治朝若文王世子云其朝于內朝臣有貴者以齒其
在外朝則以官此以路門外爲外朝者今此經言王在應門
對路寢燕朝爲外朝其實亦是內朝

之內者正治朝也傳又云立應門內之中庭南面者謂當寧
而立也曲禮下篇云天子當依而立諸侯北面而見天子曰
觀天子當寧而立諸公東面諸侯南面曰朝彼注云春見曰
朝秋見曰觀夏宗依春冬遇依秋時當四月于周正爲孟夏
于正歲爲仲春宜用春朝之禮故當寧而立也郊特牲云覲
禮天子不下堂而見諸侯蓋覲禮時當春秋主義嚴等威故
不下堂其禮行于文王廟中今儀禮見存覲禮篇言天子袞
冕負斧依是廟中堂上之戶牖間卽曲禮所謂當依而立若

春朝受享亦于廟而受摯則先在朝古者外朝治朝有門

堂階平地爲廷

江永曰古宮室之制堂必築土崇高廟寢皆

有之有堂卽有階論語齊升堂謂路寢內

朝儀禮士相見君在堂升見無方階燕

神公升卽席壇弓杜

賓入寢歷階而升是也若路門外治朝廟門外

朝皆平地爲庭無堂無階故謂之朝廷廷者庭中也曾子問諸侯旅見

天子雨露服失容則廢明在庭中也聘禮使者受命于朝及

司士朝士等職言治朝外朝皆無升階之文又人君出入乘

車登車于路寢鹵階之前下車于阼階之前見春官樂師鄭

注鄭本之尚書大傳蓋治朝外朝皆無堂階故可乘車出入使有堂階則允等七等之級車馬豈能升降乎

當依

當寧旣竝言自應一例解之觀禮及明堂位皆言負斧依則

是背負然則當寧亦應是背負非面向據釋宮寧在門屏間

天子外屏則寧應在路門外之門南屏北

鄭注觀禮據禮記云天子外屏外屏

者經云侯氏內袒入廟門天子辭再拜稽首出自屏南適門
鹵疏云據此文出門乃云屏南知是外屏廟如此寢可知釋
宮云兩階間謂之鄉中庭之左右謂之位門屏之間謂之宇
屏謂之樹此一節皆是從內向外言之階庭是路寢之階庭

王光祿尚書後案

則門是路門屏是路門外之屏故曲禮疏云路門外有屏卽樹塞門是此說是矣又據郭注人君視朝所寧立處謂天子受朝于路門外之朝于門外宁立以待諸侯之至此說亦是又引李巡云正門內兩塾間曰宁謂諸侯內屏在路門內天子外屏在路門外而近應門此則雖是而微誤正門是應門屏是以蔽路門則宁當在路門外之兩塾間塾是門側堂內外各二宁既在路門外兩塾間則南距應門之兩塾尙遠何得云近李巡微誤此疏亦因之微誤又攷說文卷十四上寧部云辨積物也此字疑與貝部之貯字同門屏間

寧當作箸齊風俟我于箸昭十一季傳朝有箸定此宁乃相翊待事處諸侯未集于此待之既集出宁至中庭背負宁南面而立負宁實負屏也

又案曰蔡邕謂明堂卽在王宮應門之內則此經應門者似明堂正門但明堂位疏引鄭目錄云明堂在國之陽又引鄭駁異義用淳于登說并據孝經援神契明堂在近郊三里之外七里之內而已之地則鄭以明堂不在王城宮內韓嬰孔
鼂竝同

故彼文朝諸侯于明堂云云鄭注云朝之禮不于此周公權用之也據此則鄭以正朝自在路門外不在南郊明堂故彼疏推鄭意以爲此明堂應門非是宮內路門外之應門明堂無路寢故無路門及以外諸門不可溷以爲一然則此經應門與明堂應門無涉也治朝平地爲廷無堂階蔡邕當不謂明堂在此彼以明堂與宗廟爲一則在庫門內雉門外之東而又以爲卽太學卽辟廡袁準譏其人神瀆擾必無此事且五門中旣有應門庫門內左偏別有一應門豈理乎然則當從鄭明堂自在郊外此經應門與明堂應門無涉也

太保率西方諸侯入應門左畢公率東方諸侯入應門右

王曰畢公代周公爲東伯故率東方諸侯尚書疏○王天與尚書纂傳三十九

卷一 玉海一百三

十一 卷官制門

方爲位皆北面疏曰二公率領諸侯知其爲二伯各率其所掌諸侯曲禮所謂職方者此之義也王肅云畢公代周公爲東伯然則畢公是太師也當太師之名在太保之上此先言太保者于時太保領冢宰相王室任重故先言齒方若使東伯任重亦當先言東方北面以東爲右齒爲左入左入右隨其方爲位嫌東齒相向故云皆北面將拜王明北面也不案曰王肅云畢公代周公爲東伯者公羊隱五季傳云自陝而東周公主之自陝而齒召公主之詩甘棠箋云召公作上公爲二伯疏引鄭志張逸問上詩傳及樂記武王分周公左召公右爲二伯今召公仍其舊職率齒方諸侯而東方畢公

季文子代周公爲東伯也

皆布乘黃朱賓稱奉圭兼幣

釋文曰乘繩證反

鄭曰此幣圭以馬蓋舉王者之後以言耳諸侯當璧以帛亦有庭實尚書疏傳曰諸侯皆陳四黃馬朱鬣以爲庭實賓諸侯也疏曰四馬曰乘乘黃是馬色黃黃下言朱朱非馬色定十季左傳宋公子地有白馬四公嬖向魋取而朱其尾鬣以與之是古貴朱鬣也周禮小行人云合六幣圭以馬璋以皮璧以帛琮以錦琥以繡璜以黼此六物者以和諸侯之好鄭云六幣所以享也五等諸侯享天子用璧享后用琮用圭璋者二王之後也如鄭彼言諸侯之享天子惟二王之後用馬此云皆陳馬者奉圭兼幣幣卽馬也圭是致馬之物然則此是

二王之後享王物獨取此物以總表諸侯之意故云諸侯皆陳馬也觀禮諸侯享天子匹馬卓上九馬隨之此用乘黃者因喪禮而行朝故略之

案曰鄭云此幣圭以馬舉二王之後以言者凡朝宗觀遇皆先朝而後享朝宗遇禮也觀禮篇見在儀禮載其事并詳春官大宗伯秋官大行人小行人春官典瑞冬官玉人等職中朝則執命圭爲信命圭者公桓侯信伯躬子蒲男穀居則守之朝覲執以爲信至朝訖則行享禮本疏引小行人六幣云云卽朝訖行享之事而圭以馬則居六幣之首又引鄭彼注謂二王後所獻今此經云布乘黃朱是馬也奉圭兼幣幣卽是馬圭以致馬也是二王之後所行之享禮也蓋入門卽奉

命圭奠贊而行朝禮此義上節已該之此節專敘享禮也鄭又云諸侯當璧以帛者二王之後惟杞宋今朝新君齒方東方諸侯咸在必不專是杞宋特經文不具耳故鄭補言之也鄭又云亦有庭實者秋官大行人說朝事云廟中將幣三享鄭彼注旣用觀禮篇文云享皆束帛加璧庭實惟國所有又引大戴禮朝事篇文云奉國地所出重物明臣職也然則庭實又在圭馬等物之外故詩韓奕疏備引諸文而申之云三享者初享以馬若皮其餘以國地所有之物分之爲二以備三享今此經文亦不具故鄭又補言之傳以圭馬卽庭實非也傳以布爲陳者昭二十六季傳百兩一布杜注云布陳之是也又以乘黃爲四黃馬者詩鄭風乘乘黃傳云四馬皆黃

是也又以朱爲馬朱鬣者詩干旄疏引鄭駿異義說顧命之
義文也又以賓爲諸侯者觀禮侯氏入門右擯者謁注云上
擯告以天子欲親受之如賓客則諸侯朝覲于天子爲賓也
說文卷一上玉部玠大圭也从玉介聲周書曰稱奉介圭據
此則圭上有介字僞孔刪之者殆以釋器圭尺二寸爲玠攷
工記玉人天子之鎮圭尺二寸疑非諸侯所有故刪之但崧
高詩錫爾介圭是諸侯亦得有介圭然彼猶是賜與申伯者
若韓奕詩韓侯入觀以其介圭入觀于王鄭彼注云韓侯以
時覲于宣王而奉享禮貢國所出之寶彼疏云經再云入觀
故分爲二韓侯入觀爲行觀禮入觀于王爲行享禮然則此
經言享禮之圭無妨有介字鄭本必與說文同也

曰一二臣衛敢執壤莫皆再拜稽首王義嗣德荅拜

釋文曰壤如丈反

鄭曰此朝兼享禮也與常禮不同釋辭者一人其餘奠幣拜
者稽首而已

尚書疏

傳曰言一二見非一也爲蕃衛故曰臣衛來朝而遇國喪遂
因見新王敢執壤地所出而奠贊也諸侯拜送幣首至地盡
禮也康王以義繼先人明德荅其拜受其幣疏曰成王始崩
卽有諸侯在京者來朝遇喪也奉圭兼幣乃是享禮凡享禮
則每一國事畢乃更餘國復入其朝則侯氏總入故鄭注曲
禮云春受贊于朝受享于廟是朝與享別此旣諸侯總入而
得有庭實享禮者新朝嗣王因行享禮故鄭云朝兼享禮與
常禮不同

案曰鄭云此朝兼享禮與常禮不同者據儀禮覲禮篇所說則秋覲朝享不同時本疏引鄭曲禮注云云則春朝朝享并不同地今入門而朝卽布乘黃朱奉圭兼幣二禮同時同地竝行以速中急遽故與常禮不同也鄭又云釋辭者一人其餘奠幣拜者稽首而已者一二臣衛云云則言曰其下再拜稽首則言皆望文爲說也傳云來朝而遇國憲者此本鄭義也詳康王之誥又云執壤地所出者正覲禮所云惟國所有朝事儀所云奉地所出也

太保暨芮伯咸進相揖皆再拜稽首

傳曰冢宰與司徒皆共羣臣諸侯竝進陳戒不言諸侯以內見外

曰敢敬告天子皇天改大邦殷之命惟周文武誕受羑若克恤西士釋文曰羊九反

馬曰羑道也釋文○王同○林之奇
尚書全解三十七卷傳曰文武大受天道而順之能憂我羑土之民本其所起疏曰羑聲近獸故訓爲道案曰馬王及傳以羑爲道者毛詩大雅板篇天之牖民傳云牖道也箋云道民以禮義尚書大傳云文王有四隣以免乎言羑伯四羑里則羑與牖通老子道德經鑒遠篇不窺羑見天道釋文云羑牖通板篇疏又云牖與誘古字通用韓詩外傳牖作誘說文卷九上△部羑字重文作誘又古文作羑然則羑與牖誘竝同正當訓道此古義也

惟新陟王畢協賞罰戡定厥功用敷遺後人休今王敬之哉張
皇六師無壞我高祖寡命釋文曰戡音堪遺
唯季反壞音怪

王曰寡命美文王少有及之故曰寡有也尚書傳曰唯周家
新升王位當盡和天下賞罰能定其功用布遺後人之美張
大六師之眾無壞我高德之祖寡有之教命

案曰傳以敷爲布說文卷三下支部彔字注云被也从支專
聲周書曰用敷遺後人芳无切此節鄭注已亡則義訓之存
于說文者當从之也六師六軍也夏官云凡制軍王六軍詩
大雅常武云整我六師棫樸云六師及之小雅瞻彼洛矣云
以作六師鄭荅趙商問釋臨碩難竝以六師卽六軍蓋對文
則二千五百人爲師萬二千五百人爲軍散文則師軍通稱

也傳以高祖爲高德之祖者曾祖之父爲高祖文王于康王
爲曾祖父左傳昭十七季鄒子來朝曰我高祖少皞摯之立
也則以始祖爲高祖昭十五季王謂籍談曰昔而高祖孫伯
羈司晉之典籍則謂其九世祖爲高祖是得通稱故傳云云
也王以寡爲寡有義見康誥

康王之誥

王若曰庶邦侯甸男衛四服者周公居攝六季制禮班度量至
釋文曰馬本從此以下爲康王之誥歐陽

大小夏侯同爲顧命

鄭曰獨舉侯甸男衛四服者周公居攝六季制禮班度量至
此積三十季再巡狩餘六季侯甸男要服正朝要服國遠既
事遣之衛服前冬來以王有疾留之毛詩十九之一卷周頌
譜疏○禮記三十一卷

皇清系角

卷四百三十一

三

王光祿尚書後案

三

明堂位疏○衛湜禮記集說七十九卷傳曰不言羣臣以外見內疏曰太保芮伯進言不言諸侯以內見外王告庶邦不言朝臣以外見內互相備也周制六服此惟四服不言采要者略舉其事

案曰鄭云周公居攝六季制禮班度量者明堂位云周公踐天子位以治天下六季朝諸侯于明堂制禮作樂頒度量而天下大服是也又云至此積三十季者鄭子顧命篇首惟四月注云居攝六季爲季端此成王二十八季又于金縢篇末注云周公居攝七季作洛誥明季成王卽政又洛誥篇末周公誕保文武受命惟七季鄭注云文武受命皆七季而崩周公居攝不敢過其數也然則從居攝六季數起七季致政明季成王卽政卽政二十八季崩上距六季制禮適三十季也

又云再巡狩餘六季者秋官大行人云十有二季王巡守卽國則二十四季再巡守今三十季則再巡守餘六季矣又云俟甸男要服正朝云云者據大行人旤服歲一見甸服二歲一見男服三歲一見采服四歲一見衛服五歲一見要服六歲一見則旤服季季朝甸服二歲見者至此六季當三朝男服三歲見者至此六季則再朝要服六歲見者固當其正朝之期也然則此時朝者當是旤甸男要四服經乃言旤甸男衛不見要服故鄭推其故以爲要服國遠旣事遣之衛服前冬來以王有疾留之或疑要服旣事遣之則衛服前冬來者何反不遣而猶留耶若衛服來時以王疾不得行禮則要服後來何反得旣事而遣耶蓋要服遠優恤之故遣衛服差近

故留耳且周都豐鎬四方道里不均東方侯甸亦遠齒方衛
要反近周禮朝貢之歲不過言其大略未必拘拘定制鄭特
以不見要服而推論之不必泥也酒誥亦云侯甸男衛亦約
舉之詞耳

昔君文武不平富不務咎底至齊信用昭明于天下釋文曰底
絕句底之履反○案曰玩王注
亦以底至齊爲句孔連信爲句

王曰不平富文武道大天下以平萬民以富也底至齊立大
中之道也尚書疏傳曰文武道大政化平美不務咎惡致行至

中信之道用顯明于天下

案曰王以不爲大釋詁文齊爲中釋言文

則亦有熊羆之士不二心之臣保乂王家用端命于上帝皇天

所訓厥道付畀四方乃命建侯樹屏在我後之人

釋文曰熊音
雄羆彼皮反

畀必利反
徐甫至反

傳曰文武旣聖則亦有勇猛如熊羆之士忠一不二心之臣

其安治王家君聖臣良用受直端之命于上天大天因順其

道付與四方之國王天下乃施政令立諸侯樹以爲藩屏傳

王業在我後之人謂子孫

今予一二伯父尙胥暨顧綏爾先公之臣服于先王雖爾身在外乃心固不在王室用奉恤厥若無遺鞠子羞釋文曰鞠
居六反

傳曰天子稱同姓諸侯曰伯父言庶幾相與顧念文武之道安汝先公之臣服于先王而法循之汝身在外汝心常當忠篤在王室各同心奉憂其所行順道無自荒怠遺我稚子羞

辱疏曰觀禮天子呼諸侯之禮同姓大國曰伯父異姓曰伯舅同姓小邦曰叔父異姓曰叔舅

案曰傳云天子呼同姓諸侯曰伯父疏引觀禮云云曲禮下篇同此時在者不獨同姓言此以該之也鞠子傳云稚子者釋言云鞠穉也義見康誥

羣公旣皆聽命相揖趨出王釋冕反喪服

鄭曰羣公主爲諸侯與王之三公諸臣亦在焉王釋冕反喪服朝臣諸侯亦反喪服禮喪服臣爲君諸侯爲天子皆斬衰尚書疏○王天與尚書纂傳三十九卷傳曰已聽誥命趨出罷退諸侯歸國朝臣就次王脫去黼冕反服喪服居倚廬

案曰鄭云羣公主謂諸侯與王之三公者三公稱公諸侯亦

得通稱然是時王朝之臣皆在故又云諸臣亦在焉也又云朝臣諸侯亦反喪服者經止言王釋冕反喪服故鄭補言之也又引喪服證之者儀禮喪服篇斬衰裳苴絰杖絞帶冠繩纓菅屨者其目首列父其次諸侯爲天子其次君是也

又案曰春秋鯀露卷三玉英篇云天子三季然後稱王經禮也有故則未三季而稱王變禮也康王以子繼父非有他故而稱王者史臣之詞也白虎通卷上爵篇云天子大歛之後稱王者明士不可一日無君也故尚書言迎子釗不言迎王曰王麻冕黼裳此歛之後也王者旣殯而卽繼體之位何緣民臣之心不可一日無君故先君不可得見則後君繼體矣尚書曰再拜興對乃受銅環明爲繼體君也緣始終之義一

季不可有二君也故尙書曰王釋冕反喪服吉冕受銅稱王以接諸侯明已繼體爲君也釋冕藏銅反喪服史臣不得不稱王以統事也據此則知暫時卽吉旋反喪服史臣不得不稱王而王實未嘗以王禮自居故逆于南門外正嗣子之位也麻冕黼裳入卽位正繼體之位也然猶自稱眇眇予末小子又自稱予一人剗正曲禮天子未除喪稱予小子春秋嗣王在喪則書名之例直至踰季方卽位三季除喪卽政廟方純用吉禮而此時固未嘗居王禮也南史沈文阿傳陳文帝卽位文阿議千人無君不敗則亂當隆周之日公旦叔父呂召爪牙成王在喪禫幾覆國是以旣葬便有公冠之儀始殯受麻冕之策斯蓋示天下以有主慮社稷之艱難觀白虎通及文阿

議似已豫知後世陋儒有疑經者而辨之至宋元祐間孫覺華老遂論康王冕服見羣臣爲非禮蘇氏軾作書傳推衍其說俗人從而掇拾之紛曉不已愚謂若以陳設華美非喪中應有則春官天府大喪陳寶器典路大喪出路經固有明文也若以吉服非禮曾子問云天子嘗禘郊社五祀之祭簠簋旣陳天子崩后之喪如之何孔子曰廢此乃專指初崩而言若旣殯之後仍有不廢祭者王制云喪三季不祭惟祭天地社稷爲越绋而行事漢志引伊訓太甲當喪越茀行事是也郊之日喪者不哭不敢凶服蓋不獨王被大裘龍袞戴冕璪抑且合畿內臣庶雖有私喪之服盡釋之而卽吉以聽命乎上其嚴于事天如此推之于地社若稷一歲之間蓋不啻疊

舉服亦屢釋矣傳顧命亦可視此例其祭于殯宮特比朝夕饋奠稍有加固無害也若謂受冊見羣臣當在路寢喪次以哭踊行事則曾子問云君薨世子生卿大夫士從攝主北面于鹵階南太祝禪冕執束帛升自鹵階盡等不升堂命母哭註曰將有事宜清靜也彼世子甫生尚且止其哭以致祝辭况眞卽繼體位自不當徒以哭踊爲禮諸儒之說皆非也

史記以古述非艱曾子問云天子之禮歌壇五廟

靈川舉人秦培璠對字

錄於人錄而錄命忘錄故不以高祖

皇清經解卷四百二十一終

